

本艸經卷二

吳普等述

孫星衍
馮翼同輯

中經

中藥一百二十種為臣主養性以應毒無毒有毒毒酌其宜欲遏病補羸者本中經

雄黃

石流黃

雌黃

水銀

石膏

慈石

凝水石

陽起石

孔公孽

殷孽

鐵精落

理石

長石

膚青

右玉石中品十
四種舊十六種

乾薑

泉耳實

葛根

括樓

苦參

當歸

麻黃

通艸

芍藥

蠡實

瞿麥

元參

秦艽

百合

知母

貝母

白芷

淫羊藿

黃芩

狗脊

石龍芮

茅根

紫苑

紫艸

敗醬

白鮮皮

酸醬

紫參

橐本

石韋

葶藶

白薇

水萍

王瓜

地榆

海藻

澤蘭

防己

欵冬華

牡丹

馬先蒿

積雪艸

女苑

王孫

蜀羊泉

爵牀

假蘇

翹根

右艸中品四十九種舊四

種十六

桑根白皮竹葉

吳茱萸

卮子

蕪荑

枳實

厚朴

秦皮

秦茱

山茱萸

紫葳

豬苓

白棘

龍眼

松蘿

衛矛

合歡

右木中品一十七種舊同

白馬莖

鹿茸

牛角鯁

殺羊角

狗陰莖

麝羊角

犀角

右獸中品七種舊同

燕屎

天鼠屎

右禽中品二種舊三種

蝟皮

露蜂房

鼈甲

蟹

柞蟬

蟻螯

烏賊魚骨白僵蠶

鮫魚甲

檮雞

活蟪

石龍子

木虫

蜚虫

蜚廉

麤蟲

伏翼

右蟲魚中品一十七種舊十六種

梅實

右果中品一種舊同

大豆黃卷赤小豆

粟米

黍米

右米穀中品三種舊二種

蓼實

葱實

齷

水蘇

右菜中品三種舊同

雄黃味苦平寒主寒熱鼠瘦惡創疽痔死肌殺精惡物
鬼邪氣百蟲毒勝五兵鍊食之輕身神僊一名黃食石

生山谷

吳普曰雄黃神農苦山陰有丹雄黃生山之陽故曰
雄是丹之雄所以名雄黃也

名醫曰生武都敦煌山之陽采無時

案西山經云高山其下多雄黃郭璞云晉太興三年
高平郡界有山崩其中出數千斤雄黃抱樸子僊藥
篇云雄黃當得武都山所出者純而無雜其赤如雞
冠光明晔晔乃可用耳其但純黃似雌黃色無赤光
者不任以作仙藥可以合理病藥耳

石流黃

流舊作硫御覽引作流是

味酸溫主婦人陰蝕疽痔惡血堅

筋骨除頭禿能化金銀銅鐵奇物

御覽引云石流青白色主益肝氣明目石

流赤生羌道山谷

生山谷

吳普曰硫黃一名石留黃神農黃帝雷公鹹有毒醫

和扁鵲苦無毒或生易陽或河西或五色黃是潘水

石液也

潘卽礬古字

燒令有紫燄者八月九月采治婦人

血結

御覽云治婦人絕陰能合金銀銅鐵

名醫曰生東海牧羊山及太山河西山礬石液也

案范子計然云石流黃出漢中又云劉馮餌石流黃

而更少劉逵注吳都賦云流黃土精也

雌黃味辛平主惡創頭禿疥殺毒蟲蝨身痒邪氣諸

毒鍊之久服輕身增年不老生山谷

名醫曰生武都與雄黃同山生其陰山有金金精熏

則生雌黃采無時

水銀味辛寒主疥癩痂瘍白禿殺皮膚中蝨墮胎除熱

殺金銀銅錫毒鎔化還復為丹久服神仙不死生平土

名醫曰一名汞生符陵出於丹砂

案說文云瀕丹沙所化爲水銀也廣雅云水銀謂之汞淮南子地形訓云白礬九百歲生白瀕白瀕九百歲生白金高誘云白瀕水銀也

石膏味辛微寒主中風寒熱心下逆氣驚喘口乾舌焦不能息腹中堅痛除邪鬼產乳金創生山谷

名醫曰一名細石生齊山及齊盧山魯蒙山采無時
慈石味辛寒主周痺風溼肢節中痛不可持物洗洗酸消除大熱煩滿及耳聾一名元石生山谷

吳普曰慈石一名礧君

名醫曰一名處石生太山及慈山山陰有鐵處則生其陽采無時

案北山經云灌題之山其中多礧石郭璞云可以取
鐵管子地數篇云山上有慈石者下必有銅呂氏春
秋精通篇云慈石召鐵淮南子說山訓云慈石能引
鐵只作慈舊作礧非名醫別出元石條亦非

凝水石味辛寒主身熱腹中積聚邪氣皮中如火燒煩
滿水飲之久服不飢一名白水石生山谷

吳普曰神農辛岐伯醫和扁鵲甘無毒李氏大寒或
生邯鄲采無時如雲母色

御覽引云一名寒水石

名醫曰一名寒水石一名凌水石鹽之精也生常山
又中水縣及邯鄲

案范子計然云凝水石出河東色澤者善

陽起石味鹹微溫主崩中漏下破子臧中血癥瘕結氣

寒熱腹痛無子陰痿不起

御覽引作陰陽不合

補不足

御覽引有拘攣二字

一名白石生山谷

吳普曰陽起石神農扁鵲酸無毒桐君雷公岐伯鹹

無毒李氏小寒或生太山

御覽引云或陽起山采無時

名醫曰一名石生一名羊起石雲母根也生齊山及

琅邪或雲山陽起山采無時

孔公孽味辛溫主傷食不化邪結氣惡創疽瘰疔利九

竅下乳汁

御覽引云一名通石大觀本作黑字

生山谷

吳普曰孔公孽神農辛岐伯鹹扁鵲酸無毒色青黃

名醫曰一名通石殷孽根也青黃色生梁山

殷孽味辛溫主爛傷瘀血洩利寒熱鼠瘦癥瘕結氣一

名薑石生山谷

按此當與孔公孽為一條

名醫曰鍾乳根也生趙國又梁山及南海采無時

鐵精平主明目化銅鐵落味辛平主風熱惡創瘍疽創

痂疥氣在皮膚中鐵主堅肌耐痛生平澤

舊為三條今并

名醫曰鐵落一名鐵液可以染阜生牧羊及祊城或

析城采無時

案說文云鐵黑金也

理石味辛寒主身熱利胃解煩益精明目破積聚去三

蟲一名立制石生山谷

名醫曰一名肌石如石膏順理而細生漢中及廬山

采無時

長石味辛寒主身熱四肢寒厥利小便通血脈明目去翳眇下三蟲殺蠱毒久服不飢一名方石生山谷

吳普曰長石一名方石一名直石生長子山谷如馬

齒潤澤玉色長鮮服之不飢

御覽

名醫曰一名土石一名直石理如馬齒方而潤澤玉色生長子山及太山臨淄采無時

膚青味辛平主蠱毒及蛇菜肉諸毒惡創生川谷

名醫曰一名推青一名推石生益州

案陶宏景云俗方及僊經並無用此者亦相與不復

識

右玉石中品一十四種舊十六種攷鐵落鐵宜與鐵
精爲一

乾薑味辛溫主胃滿欬逆上氣溫中止血出汗逐風溼
痺腸澼下利生者尤良久服去臭氣通神明生川谷

名醫曰生健爲及荊州揚州九月采

案說文云薑禦溼之菜也廣雅云蔘廉薑也呂氏春
秋本味篇云和之美者陽樸之薑高誘注陽樸地名
在蜀郡司馬相如上林賦有芘薑云云

臬耳實味甘溫主風頭寒痛風溼周痺四肢拘攣痛惡
肉死肌久服益氣耳目聰明強志輕身一名胡臬一名
地葵生川谷

名醫曰一名菘一名常思生安陸及六安田野實熟
時采

案說文云菘卷耳也苓卷耳也廣雅云苓耳菘常
胡泉泉耳也爾雅云菘耳苓耳郭璞云江東呼爲常
泉形似鼠耳叢生如盤毛詩云采采卷耳傳云卷耳
苓耳也陸璣云葉白青色似胡荽白花細莖蔓生可
煮爲茹滑而少味四月中生子正如婦人耳璠今或
謂之耳璠艸鄭康成謂是白胡荽幽州人謂之爵耳
淮南子覽冥訓云位賤尙泉高誘云藁者菜耳菜名
也幽冀謂之檀菜雒下謂之胡泉

葛根味甘平主消渴身大熱嘔吐諸痺起陰氣解諸毒

葛穀主下利十歲已上一名雞齊根生川谷

吳普曰葛根神農甘生太山御覽

名醫曰一名鹿藿一名黃斤生汶山五月采根暴乾

括樓根味苦寒主消渴身熱煩滿大熱補虛安中續絕

傷一名地樓生川谷及山陰

吳普曰括樓一名澤耳一名澤姑御覽

名醫曰一名果羸一名天瓜一名澤姑實名黃瓜二

月八月采根暴乾三十日成生宏農

案說文云萆萆菓果蓏也廣雅云王白萆也當為爾

雅云果羸之實括樓郭璞云今齊人呼之為天瓜毛

詩云果羸之實亦施于宇傳云果羸括樓也呂氏春

秋云王善生高誘云善或作瓜瓠瓠也案呂氏春秋善字乃萆之誤

苦參味苦寒主心腹結氣癥瘕積聚黃疸溺有餘瀝逐水除癰腫補中明目止淚一名水槐一名苦識生山谷及田野

名醫曰一名地槐一名菟槐一名驕槐一名白莖一名虎麻一名岑莖一名祿曰一名陵朗生汝南三月八月十月采根暴乾

當歸味甘溫主欬逆上氣溫瘧寒熱洗在皮膚中

大觀本洗

音癰婦人漏下絕子諸惡創瘍金創煮飲之一名乾歸生

川谷

吳普曰當歸神農黃帝桐君扁鵲甘無毒岐伯雷公
辛無毒李氏小溫或生羌胡地

名醫曰生隴西二月八月采根陰乾

案廣雅云山蘄當歸也爾雅云薜山蘄郭璞云今似
蘄而麤大又薜白蘄郭璞云卽上山蘄范子計然云
當歸出隴西無枯者善

麻黃味苦溫主中風傷寒頭痛溫瘧發表出汗去邪熱
氣止欬逆上氣除寒熱破癥堅積聚一名龍沙

吳普曰麻黃一名卑相一名卑監神農雷公苦無毒

扁鵲酸無毒李氏平或生河東四月立秋采

御覽

名醫曰一名卑相一名卑鹽生晉地及河東立秋采

莖陰乾令青

案廣雅云龍沙麻黃也麻黃莖狗骨也范子計然云

麻黃出漢中三輔

通艸

御覽作通艸

味辛平主去惡蟲除脾胃寒熱通利九竅

血脈關結令人不忘一名附支生山谷

吳普曰蓮艸一名丁翁一名附支神農黃帝辛雷公

苦生石城山谷葉菁蔓延生汁白正月采

御覽

名醫曰一名丁翁生石城及山陽正月采枝陰乾

案廣雅云附支蓮艸也中山經云升山其艸多寇脫

郭璞云寇脫艸生南方高丈許似荷葉而莖中有瓢

正白零陵人植而日灌之以為樹也爾雅云離南活

菴郭璞注同又倚商活脫郭璞云卽離南也范于計然云蓮艸出三輔

芍藥味苦平主邪氣腹痛除血痺破堅積寒熱痼瘕止

痛利小便益氣

藝文類聚引云一名白朮大觀本作黑字

生川谷及邱陵

吳普曰芍藥神農苦桐君甘無毒岐伯鹹李氏小寒雷公酸一名甘積一名解倉一名誕一名餘容一名

白朮三月三日采

御覽

名醫曰一名白朮一名餘容一名犁食一名解食一名誕生中岳二月八月采根暴乾

案廣雅云攣夷芍藥也白朮牡丹也北山經云繡山其艸多芍藥郭璞云芍藥一名辛夷亦香艸屬毛詩

云贈之以芍藥傳云芍藥香艸范子計然云芍藥出
三輔崔豹古今注云芍藥有二種有艸芍藥有木芍
藥木者花大而色深俗呼爲牡丹非也又云一名可

離

蠶實味甘平主皮膚寒熱胃中熱氣風寒溼痺堅筋骨
令人嗜食久服輕身花葉去白蟲一名劇艸一名三堅
一名豕首生川谷

吳普曰蠶實一名劇艸一名三堅一名劇荔花

御覽一

名澤藍一名豕首神農黃帝甘辛無毒生宛旬五月

采

同上

名醫曰一名荔實生河東五月采實陰乾

案說文云荔艸也似蒲而小根可作屐廣雅云馬薤
荔也月令云仲冬之月荔挺出鄭云荔挺馬薤也高
誘注淮南子云荔馬荔艸也通俗文云一名馬蘭顏
之推云此物河北平澤率生之江東頗多種于階庭
但呼爲旱蒲故不識馬薤

瞿麥味苦寒主關格諸癰結小便不通出刺決癰腫明
目去翳破胎墮子下閉血一名巨句麥生川谷

名醫曰一名大菊一名大蘭生大山立秋采實陰乾
案說文云蘧蘧麥也菊大菊蘧麥廣雅云茈威陵茗
蘧麥也爾雅云大菊蘧麥郭璞云一名麥句薑卽瞿
麥陶宏景云子頗似麥故名瞿麥

元參味苦微寒主腹中寒熱積聚女子產乳餘疾補腎氣令人目明一名重臺生川谷

吳普曰元參一名鬼藏一名正馬一名重臺一名鹿腹一名端一名元臺神農桐君黃帝雷公扁鵲苦無毒岐伯鹹李氏寒或生兔胸山陽二月生葉如梅毛四四相值似芍藥黑莖方高四五尺花赤生枝間四月實黑

御覽

名醫曰一名元臺一名鹿腸一名正馬一名減一名端生河間及冤句三月四月采根暴乾

案廣雅云鹿腸元參也范子計然云元參出三輔青色者善

秦艸味苦平主寒熱邪氣寒溼風痺肢節痛下水利小便
便生山谷

名醫曰生飛鳥山二月八月采根暴乾

案說文云蒟艸之相以者玉篇作甘居包切云秦甘

藥凡同蕭炳云本經名秦瓜然則今本經名亦有名

醫改之者

百合味甘平主邪氣腹張心痛利大小便補中益氣生

川谷

吳普曰百合一名重邁一名中庭生冤胸及荆山

類聚引云
一名重匡

一名醫曰一名重箱一名摩羅一名中逢花一名強瞿

文藝

生荊州二月八月采根暴乾

案玉篇云蟠百合蒜也

知母味苦寒主消渴熱中除邪氣肢體浮腫下水補不足益氣一名蜆母一名連母一名野蓼一名地參一名水參一名水浚一名貨母一名蜚母生川谷

吳普曰知母神農桐君無毒補不足益氣御覽引云一名提母

名醫曰一名女雷一名女理一名兒艸一名鹿列一

名韭逢一名兒踵艸一名東根一名水須一名沈燔

一名藟生河內二月八月采根暴乾

案說文云芑芑母也藟苑藩也或从彡作藟廣雅云芑母兒踵東根也爾雅云藟蒨藩郭璞云生山上葉

如韭一曰蜚母范子計然云蜚母出三輔黃白者善
玉篇作萁母

貝母味辛平主傷寒煩熱淋瀝邪氣疝瘕喉痺乳難金
創風瘰一名空艸

名醫曰一名藥實一名苦花一名苦菜一名商

商艸
字

一名勤母生晉地十月采根暴乾

案說文云菑貝母也廣雅云貝父藥實也爾雅云菑
貝母郭璞云根如小貝圓而白花葉似韭毛詩云言
采其蟲傳云蟲貝母也陸璣云其葉如括樓而細小
其子在根下如芋子正白四方連累相著有分解也
白苣味辛溫主女人漏下赤白血閉陰腫寒熱風頭侵

目淚出長肌膚潤澤可作面脂一名芳香生川谷

吳普曰白芷一名藹一名苻離一名澤芬一名藹

御覽

名醫曰一名白芷一名藹一名莞一名苻離一名澤

芬葉一名葛麻可作浴湯生河東下澤二月八月采

根暴乾

案說文云茝藹也藹楚謂之離晉謂之藹齊謂之茝

廣雅云白芷其葉謂之葍西山經云號山其艸多葍

藹郭璞云葍白芷別名藹香艸也淮南子修務訓云

身苦秋葍被風高誘云葍白芷香艸也王逸注楚詞

云葍白芷按名醫一名莞云云似卽爾雅莞苻離其

上鬲而說文別有藹夫離也藹夫離上也是非一艸

舍人云白蒲一名苻離楚謂之莞豈蒲與茝相似而
名醫誤合爲一乎或說文云楚謂之離卽夫離也未
可得詳舊作芷非

淫羊藿味辛寒主陰痿絕傷莖中痛利小便益氣力强
志一名剛前生山谷

吳普曰淫羊藿神農雷公辛李氏小寒堅骨

覽御

名醫曰生上郡陽山

黃芩味苦平主諸熱黃疸腸澼洩利逐水下血閉惡創
疽蝕火瘍一名腐腸生川谷

吳普曰黃芩一名黃文一名妬婦一名虹勝一名經
芩一名印頭一名內虛神農桐君黃帝雷公扁鵲苦

無毒李氏小溫二月生赤黃葉兩兩四四相值莖空中或方圓高三四尺四月花紫紅赤五月實黑根黃

二月至九月采

御覽

名醫曰一名空腸一名內虛一名黃文一名經苓一名妒婦生稀歸及冤句三月三日采根陰乾

案說文云葢黃葢也廣雅云蕤莆黃文內虛黃苓也
范子計然云黃苓出三輔色黃者善

狗脊味苦平主腰背強關機緩急周痺寒溼郟痛頗利
老人一名百枝生川谷

吳普曰狗脊一名狗青一名赤節神農苦桐君黃帝
岐伯雷公扁鵲甘無毒李氏小溫如葶藶莖節如竹

有刺葉圓赤根黃白亦如竹根毛有刺岐伯經云莖長節葉端員青赤皮白有赤脈

名醫曰一名強脊一名扶蓋一名扶筋生常山二月八月采根暴乾

案廣雅云菝絜狗脊也玉篇云菝菹狗脊根也名醫別出菝契條非

石龍芮味苦平主風寒溼痺心腹邪氣利關節止煩滿久服輕身明目不老一名魯果能

御覽作食果

一名地樁生

川澤石邊

吳普曰龍芮一名薑苔一名天豆神農苦平岐伯酸扁鵲李氏大寒雷公鹹無毒五月五日采

御覽

名醫曰一名石能一名彭根一名天豆生太山五月五日采子二月八月采皮陰乾

案范子計然云石龍芮出三輔色黃者善

茅根味甘寒主勞傷虛羸補中益氣除瘀血血閉寒熱利小便其苗主下水一名蘭根一名茹根生山谷田野名醫曰一名地管一名地筋一名兼杜生楚地六月

采根

案說文云茅菅也菅茅也廣雅云菅茅也爾雅云白華野菅郭璞云菅茅屬詩云白華菅兮白茅束兮傳云白華野菅也已漚爲菅

紫菀味苦溫主欬逆上氣胃中寒熱結氣去蠱毒痿躄

安五藏生山谷

吳普曰紫苑一名青苑御覽

名醫曰一名紫蒨一名青苑生房陵及真定邯鄲

月三月采根陰乾

案說文云苑苾苑出漢中房陵陶宏景云白者名白

苑唐本注云白苑即女苑也

紫艸味苦寒主心腹邪氣五疸補中益氣利九竅通水

道一名紫丹一名紫芙

御覽引云一名地血大觀本無文

生山谷

吳普曰紫艸節赤二月花

御覽

名醫曰生碭山及楚地三月采根陰乾

案說文云苾艸也藐苾艸也莫艸也可以染留黃廣

雅云苳蒨艸也山海經云勞山多苳艸郭璞云一
名紫蒨中染紫也爾雅云藐苳艸郭璞云可以染紫
敗醬味苦平主暴熱火創赤氣疥搔疽痔馬鞍熱氣一
名鹿腸生川谷

名醫曰一名鹿首一名馬艸一名澤敗生江夏八月

采根暴乾

案范子計然云敗醬出三輔陶宏景云氣如敗醬故

立以爲名

白鮮味苦寒主頭風黃疸欬逆淋瀝女子陰中腫痛溼
痺死肌不可屈伸起止行步生川谷

名醫曰生上谷及冤句四月五月采根陰乾

案陶宏景云俗呼爲白羊鮮氣息正似羊羶或名白羶

酸醬味酸平主熱煩滿定志益氣利水道產難吞其實立產一名醋醬生川澤

吳普曰酸醬一名酢醬

御覽

名醫曰生荆楚及人家田園中五月采陰乾

案爾雅云歲寒醬郭璞云今酸醬艸江東呼曰苦歲紫參味苦辛寒主心腹積聚寒熱邪氣通九竅利大小便一名牡蒙生山谷

吳普曰伏蒙一名紫參一名泉戎一名音腹一名伏菟一名重傷神農黃帝苦李氏小寒生河西山谷或

宛句商山圓聚生根黃赤有文皮黑中紫五月花紫

赤實黑大如豆三月采根

御覽大觀本節文

名醫曰一名眾戎一名童腸一名馬行生河西及宛

句三月采根火炙使紫色

案范子計然云紫參出三輔赤青色者善

稟本味辛溫主婦人疝瘕陰中寒腫痛腹中急除風頭

痛長肌膚說顏色一名鬼卿一名地新生山谷

名醫曰一名微莖生崇山正月二月采根暴乾三十

日成

案廣雅云山茝蔚香藁本也管子地員篇云五臭疇

生藁本荀子大略篇云蘭茝藁本漸于蜜醴一佩易

之樊光注爾雅云藁本一名蘼蕪根名蘼芷舊作藁

非

石韋味苦平主勞熱邪氣五癰閉不通利小便水道一

名石韋生山谷石上

一名石皮生華陰山谷不聞水及人聲者良

二月采葉陰乾

草薺味苦平主腰痛強骨節風寒溼周痺惡創不瘳

熱氣生山谷

名醫曰一名赤節生真定八月采根暴乾

案博物志云菝葜與草薺相亂

白薇味苦平主暴中風身熱肢滿忽忽不知人狂惑邪

氣寒熱酸疼溫瘧洗洗發作有時生川谷

名醫曰一名白幕一名微艸一名春艸一名骨美生

平原三月三日采根陰乾

水萍味辛寒主暴熱身痒

載文類聚初學記作癢此是

下水氣勝酒

長須髮

載文類聚作烏鬢

消渴久服輕身一名水華

載文類聚引云一名

水廉生池澤

吳普曰水萍一名水廉生澤水上葉圓小一莖一葉

根入水五月華白三月采日乾

御覽

名醫曰一名水白一名水蘇生雷澤三月采暴乾

案說文云萍萍也無根浮水而生者萍萃也蕢大萍

也廣雅云藻萍也夏小正云七月湟潦生萍爾雅云

萍萍郭璞云水中浮萍江東謂之藻又其大者蘋毛
詩云予以采蘋傳云蘋大萍也范子計然曰水萍出
三輔色青者善淮南子原道訓云萍樹根于水高誘
云萍大蘋也

王瓜味苦寒主消渴內痺瘀血月閉寒熱酸疼益氣愈
聾一名土瓜生平澤

名醫曰生魯地田野及人家垣牆間三月采根陰乾
案說文云萑王萑也廣雅云萑菇瓜瓢王瓜也夏小
正云四月王萑秀爾雅云鉤萑菇郭璞云鉤瓢也一
名王瓜實如瓠瓜正赤味苦月令王瓜生鄭元云月
令云王萑生孔穎達云疑王萑則王瓜也管子地員

篇剽土之次曰五沙其種大萇細萇白莖青秀以蔓
本艸圖經云大萇卽王萇也芴亦謂之土瓜自別是

一物

地榆味苦微寒主婦人乳痃痛七傷帶下病止痛除惡

肉止汗療金創

御覽引云主消酒又云明目大觀本艸消酒作黑字而無明目

生山谷

名醫曰生桐柏及菟句二月八月采根暴乾

案廣雅云菹蔕地榆也陶宏景云葉似榆而長初生

布地而花子紫黑色如鼓故名玉鼓

海藻味苦寒主癭瘤氣頸下核破散結氣癰腫癥瘕堅
氣腹中上下鳴下十二水腫一名落首生池澤

名醫曰一名薄生東海七月七日采暴乾

案說文云藻水艸也或作藻廣雅云海蘿海藻也爾雅云蔞海藻也郭璞云藥艸也一名海蘿如亂髮生海中本艸云又薄石衣郭璞云水苔也一名石髮江東食之或曰薄葉似籬而大生水底也亦可食

澤蘭味苦微溫主乳婦內衄

御覽作衄血

中風餘疾大腹水

腫身面四肢浮腫骨節中水金創癰腫創膿一名虎蘭一名龍棗生大澤傍

吳普曰澤蘭一名水香神農黃帝岐伯桐君酸無毒李氏溫生下地水傍葉如蘭二月生香赤節四葉相值枝節閒

名醫曰一名虎蒲生汝南三月三日采陰乾

案廣雅云虎蘭澤蘭也

防已味辛平主風寒溫瘧熱氣諸癰除邪利大小便一

名解離

御覽作石解引云通湊理利九竅大觀本六字黑

生川谷

吳普曰木防已一名解離一名解燕神農辛黃帝岐

伯桐君苦無毒李氏大寒如芴莖蔓延如芄白根外

黃似桔梗內黑又如車輻解二月八月十月采根御覽

名醫曰生漢中二月八月采根陰乾

案范子計然云防已出漢中旬陽

欵冬花味辛溫主欵逆上氣善喘喉痹諸驚癰寒熱邪

氣一名橐吾

御覽作石

一名顛凍

御覽作顛冬

一名虎須一名兔

奚生山谷

本草綱目 卷二
吳普曰欵冬十二月花黃白

甄文類聚

名醫曰一名氏冬生常山及上黨水傍十一月采花
陰乾

案廣雅云苦萃欵凍也爾雅云菟奚顆凍郭璞云欵冬也紫赤華生水中西京雜記云欵冬花于嚴冬傳咸欵冬賦序曰仲冬之月冰凌積雪欵冬獨敷華豔牡丹味辛寒主寒熱中風痲痺癰驚癇邪氣除癥堅瘀血留舍腸胃安五臧療癰創一名鹿韭一名鼠姑生山谷

吳普曰牡丹神農岐伯辛李氏小寒雷公桐君苦無毒黃帝苦有毒葉如蓬相值根如柏黑中有核二月

采八月采暴乾人食之輕身益壽

御覽

名醫曰生巴郡及漢中二月八月采根陰乾

案廣雅云白菜牡丹也范子計然云牡丹出漢中河
內赤色者亦善

馬先蒿味平主寒熱鬼注中風溼痺女子帶下病無子
一名馬屎蒿生川澤

名醫曰生南陽

案說文云蔚牡蒿也廣雅云因塵馬先也爾雅云蔚

牡菽郭璞云無子者毛詩云匪莪伊蔚傳云蔚牡菽

也陸璣云三月始生七月華華似胡麻華而紫赤八

月爲角角似小豆角銳而長一名馬新蒿案新先聲

相近

積雪艸味苦寒主大熱惡創癰疽漫淫赤燂皮膚赤身
熱生川谷

名醫曰生荊州

案陶宏景云荊楚人以葉如錢謂為地錢艸徐儀藥

圖名連錢艸本艸圖經云咸洛二京亦有或名胡薄

荷

女苑

御覽作苑

味辛溫主風洗洗霍亂洩利腸鳴上下無常

處驚癩寒熱百疾生川谷或山陽

吳普曰女苑一名白苑一名織女苑

御覽

名醫曰一名白苑一名織女苑一名茆生漢中正月

二月采陰乾

案廣雅云女腸女苑也

王孫味苦平主五藏邪氣寒溼痹四肢疼酸羸冷痛生川谷

吳普曰黃孫一名王孫一名蔓延一名公艸一名海孫神農雷公苦無毒黃帝甘無毒生西海山谷及汝南城郭垣下蔓延赤文莖葉相當

御覽

名醫曰吳名白功艸楚名王孫齊名長孫一名黃孫一名黃昏一名海孫一名蔓延生海西及汝南城郭

下

案陶宏景云今方家皆呼黃昏又云牡蒙

蜀羊泉味苦微寒主頭禿惡創熱氣疥搔痂癬蟲療齧
齒生川谷

名醫曰一名羊泉一名羊飴生蜀郡

案廣雅云黍姑艾但鹿何澤鞠也唐本注云此艸一

名漆姑

爵牀味鹹寒主腰脊痛不得著牀俛仰艱難除熱可作
浴湯生川谷及田野

吳普曰爵牀一名爵卿

御覽

名醫曰生漢中

案別本注云今人名爲香蘇

假蘇味辛溫主寒熱鼠瘦瘰癧生創破結聚氣下瘀血

除溼痹一名鼠莫生川澤

舊在菜部今移

吳普曰假蘇一名鼠實一名薑芥

御覽

一名荆芥葉似

落藜而細蜀中生叢之

蜀本注

名醫曰一名薑芥生漢中

案陶宏景云卽荆芥也薑荆聲譌耳先居艸部中今

人食之錄在菜部中也

翹根味甘寒平

御覽作味苦平

主下熱氣益陰精令人面說好

明目久服輕身耐老生平澤

舊在唐本退中今移

吳普曰翹根神農雷公甘有毒三月八月采以作蒸

飲洒病人

御覽

名醫曰生嵩高二月八月采

本草綱目 卷二
案陶宏景云方藥不復用俗無識者

右艸中品四十九種舊四十六種攷菜部假蘇及唐
本退中翹根宜入此

桑根白皮味甘寒主傷中五勞六極羸瘵崩中脈絕補
虛益氣葉主除寒熱出汗桑耳黑者主女子漏下赤白
汁血病癥瘕積聚陰痛陰陽寒熱無子五木耳名樗益
氣不飢輕身強志生山谷

名醫曰桑耳一名桑菌一名木麥生犍爲六月多雨
時采卽暴乾

案說文云桑蠶所食葉木莢木耳也覃桑莢爾雅云
桑瓣有甚梔舍人云桑樹一半有甚半無甚名梔也

郭璞云辦半也又女桑楨桑郭璞云今俗呼桑樹小
而條長者爲女桑樹又廩山桑郭璞云似桑材中作
弓及車轅又桑柳槐條郭璞云阿那垂條

竹葉味苦平主欬逆上氣溢筋急惡瘍殺小蟲根作湯
益氣止渴補虛下氣汁主風痊實通神明輕身益氣

名醫曰生益州

案說文云竹冬生艸也象形下叢者箬箬也

吳茱萸

御覽引無
吳字是

味辛溫主溫中下氣止痛欬逆寒熱

除溼血痺逐風邪開溲

舊作膝御
覽作溲是

理根殺三蟲一名藪

生山谷

名醫曰生冤句九月九日采陰乾

案說文云茱萸茱萸屬萸茱萸也藟煎茱萸漢律會

稽獻藟一斗廣雅云椒檄檣樾株茱萸也三蒼云茱

萸萸也御覽爾雅云椒檄醜茱郭璞云茱萸子聚生成

房貌今江東亦呼茱萸似茱萸而小赤色禮記云三

牲用藟鄭云藟煎茱萸也漢律會稽獻焉爾雅謂之

檄范子計然云茱萸出三輔陶宏景云禮記名藟而

俗中呼為藟子當是不識藟字似藟字因以相傳

卮舊作梔藟文類聚及御覽引作支是子味苦寒主五內邪氣胃中熱氣

面赤酒泡皴鼻白賴赤癩創瘍一名木丹生川谷

名醫曰一名越桃生南陽九月采實暴乾

案說文云梔黃木可染者廣雅云梔子楸桃也史記

貨殖傳云巴蜀地饒卮集解云徐廣曰音支烟支也
紫赤色也據說文當爲椀

蕪荑味辛主五內邪氣散皮膚骨節中淫淫溫行毒去

三蟲化食一名無姑一名蕪蕪

御覽引云逐寸白散腹中溫溫喘息大觀本作

黑生川谷

名醫曰一名蕪蕪生晉山三月采實陰乾

案說文云梗山枌榆有束莢可爲蕪荑者廣雅云山

榆母估也爾雅云莖蕪蕪蕪郭璞云一名白蕪又無

姑其實夷郭璞云無姑姑榆也生山中葉圓而厚剝

取皮合漬之其味辛香所謂蕪荑范子計然云蕪荑

在地赤心者善

枳實味苦寒主大風在皮膚中如麻豆苦痒御覽作癢非除

寒熱結止利舊作痢御覽作利是長肌肉利五臟益氣輕身生川

澤

吳普曰枳實苦雷公酸無毒李氏大寒九月十月采

陰乾御覽

名醫曰生河內九月十月采陰乾

案說文云枳木似橘周禮云橘踰淮而化為枳沈括

補筆談云六朝以前醫方唯有枳實無枳壳後人用

枳之小嫩者為枳實大者為枳殼

厚朴味苦溫主中風傷寒頭痛寒熱驚悸氣血痹死肌

去三蟲

吳普曰厚朴神農岐伯雷公苦無毒李氏小溫御覽引云

一名原皮生交阯

名醫曰一名厚皮一名赤朴其樹名榛其子名逐生

交趾冤句九月十月采皮陰乾

案說文云朴木皮也榛木也廣雅云重皮厚朴也范

子計然云厚朴出宏農按今俗以榛為栝不知是厚

朴說文榛栗字作栝

秦皮味苦微寒主風寒溼痺洗洗寒氣除熱目中青翳

白膜久服頭不白輕身生川谷

吳普曰岑皮一名秦皮神農雷公黃帝岐伯酸無毒

李氏小寒或生冤句水邊二月八月采御覽

名醫曰一名岑皮一名石檀生廬江及冤句二月八月采皮陰乾

案說文云枵青皮木或作櫛淮南子倣真訓云枵木色青翳高誘云枵木苦慄木也生于山剝取其皮以水浸之正青皮洗眼愈人目中膚翳据吳普云岑皮名秦皮本經作秦皮者後人以俗稱改之當爲岑皮秦茱味辛溫主風邪氣溫中除寒痺堅齒髮明目久服輕身好顏色耐老增年通神生川谷

名醫曰生太山及秦嶺上或琅邪八月九月采實

案說文云茱茱茱茱檄實裏如裘者檄似茱萸出淮南廣雅云檄株茱萸也北山經云景山多秦椒郭

璞云子似椒而細葉艸也爾雅云檄大椒郭璞云今
椒樹叢生實大者名爲檄又椒檄醜菜郭璞云菜萸
子聚成房貌今江東亦呼菜檄似菜萸而小赤色毛
詩云椒聊之實傳云椒聊椒也陸璣云椒樹似菜萸
有鍼刺葉堅而滑澤蜀人作茶吳人作茗皆合煮其
葉以爲香范子計然云秦椒出天水隴西細者善淮
南子人間訓云申椒杜茝美人之所懷服舊作椒非
据山海經有秦椒生聞喜景山則秦非秦地之秦也
山菜萸味酸平主心下邪氣寒熱溫中逐寒溼痺去三
蟲久服輕身一名蜀棗生山谷

吳普曰山菜萸一名魁實一名鼠矢一名雞足神農

黃帝雷公扁鵲酸無毒岐伯辛一經酸或生冤句琅

邪或東海承縣葉如梅有刺毛二月華如杏四月實

如酸棗赤五月采實

御覽

名醫曰一名雞足一名魁實生漢中及琅邪冤句東

海承縣九月十月采實陰乾

紫葳味酸

御覽作鹹

微寒主婦人產乳餘疾崩中癥瘕血閉

寒熱羸瘦養胎生川谷

吳普曰紫葳一名武葳一名瞿麥一名陵居腹一名

鬼目一名芟華神農雷公酸岐伯辛扁鵲苦鹹黃帝

甘無毒如麥根黑正月八月采或生真定

御覽

名醫曰一名陵若一名芟華生西海及山陽

案廣雅云苾蒨陵苕蘧麥也爾雅云苕陵苕郭璞云

一名陵時本艸云又黃華蘖白華芟郭璞云苕華色

異名亦不同毛詩云苕之華傳云苕陵苕也范子計

然云紫葳出三輔李當之云是瞿麥根據李說與廣

雅合而唐本注引爾雅注有一名陵霄四字謂卽陵

霄花陸璣以為鼠尾疑皆非故不采之用天門冬

豬苓味甘平主痲瘡解毒蠱注御覽作蛙不祥利水道久服

輕身耐老御覽作能老一名猴豬屎生山谷

吳普曰豬苓神農甘雷公苦無毒御覽引云如茯苓或生兔句八月采

名醫曰生衡山及濟陰兔句二月八月采陰乾

案莊子云豕零司馬彪注作豕囊云一名豬苓根似

本州紀 卷二
豬卵可以治渴

白棘味辛寒主心腹痛癰腫潰膿止痛一名棘鍼生川
谷

名醫曰一名棘刺生雍州

案說文云棘小棗叢生者爾雅云髦顛棘孫炎云一
名白棘李當之云此是酸棗樹鍼今人用天門冬苗
代之非是真也案經云天門冬一名顛勒勒棘聲相
近則今人用此亦非無因也

龍眼味甘平主五藏邪氣安志厭食久服強魂聰明輕
身不老通神明一名益智生山谷

吳普曰龍眼一名益智要術一名比目

御覽

名醫曰其大者似栝榔生南海

案廣雅云益智龍眼也劉達注吳都賦云龍眼如荔枝而小圓如彈丸味甘勝荔枝蒼梧交阯南海合浦皆獻之山中人家亦種之

松羅味苦平主瞋怒邪氣止虛汗頭風女子陰寒腫病一名女蘿生山谷

名醫曰生熊耳山松樹上五月采陰乾

案廣雅云女蘿松蘿也毛詩云蔦與女蘿傳云女蘿菟絲松蘿也陸璣云松蘿自蔓松上枝正青與兔絲

異

衛矛味苦寒主女子崩中下血腹滿汗出除邪殺鬼毒

蠱注一名鬼箭生山谷

吳普曰鬼箭一名衛矛神農黃帝桐君苦無毒葉如

桃有羽正月二月七月采陰乾或生野田御覽

名醫曰生霍山八月采陰乾

案廣雅云鬼箭神箭也陶宏景云其莖有三羽狀如

箭羽

合歡味甘平主安五藏利心志

藝文類聚作和心志御覽作和心氣令人

歡樂無憂久服輕身明目得所欲生山谷

名醫曰生益州

案唐本注云或曰合昏歡昏音相近日華子云夜合

右木中品一十七種舊同

白馬莖味鹹平主傷中脈絕陰不起強志益氣長肌肉
肥健生子眼主驚癇腹滿瘧疾當殺用之懸蹄主驚邪
瘕癢乳難辟惡氣鬼毒蠱注不祥生平澤

名醫曰生雲中

鹿茸味甘溫主漏下惡血寒熱驚癇益氣強志生齒不
老角主惡創癰腫逐邪惡氣留血在陰中

名醫曰茸四月五月解角時取陰乾使時燥角七月

采

牛角鰓下閉血瘀血疼痛女人帶下血髓補中填骨髓
久服增年膽可丸藥

案說文云鰓角中骨也

本州經 卷二
殺羊角味鹹溫主青盲明目殺疥蟲止寒洩辟惡鬼虎
狼止驚悸久服安心益氣輕身生川谷

名醫曰生河西取無時

案說文云殺夏羊牝曰殺爾雅云羊牝殺郭璞云今
人便以牂殺爲黑白羊名

牡狗陰莖味鹹平主傷中陰痿不起令強熱大生子除
女子帶下十二疾一名狗精膽主明目

名醫曰六月上伏取陰乾百日

鷹羊角味鹹寒主明目益氣起陰去惡血注下辟蠱毒
惡鬼不祥安心氣常不厭寐生川谷

名醫曰生石城及華陰山采無時

案說文云麇大羊而細角廣雅云美皮冷角爾雅云麇大羊郭璞云麇羊似羊而大角圓銳好在山崖間陶宏景云爾雅名羴羊據說文云羴山羊細角也爾雅云羴如羊郭璞云羴似吳羊而大角角橢出西方羴卽羴正字然本經羴字實麇字俗寫當以麇爲是爾雅釋文引本艸作麇

犀角味苦寒主百毒蠱注邪鬼障氣殺鉤吻鳩羽蛇毒除迷惑不厭寐久服輕身生山谷

名醫曰生永昌及益州

案說文云犀南徼外牛一角在鼻一角在頂似豕爾雅云犀似豕郭璞云形似水牛豬頭大腹厚腳腳有

三蹄黑色三角一角頂上一角鼻上一角額上鼻上者卽食角也小而不橢好食棘亦有一角者山海經云琴鼓之山多白犀郭璞云此與辟寒蠲忿辟塵辟暑諸犀皆異種也范子計然云犀角出南郡上價八千中三千下一千

右獸中品七種舊同

燕屎味辛平主蠱毒鬼注逐不祥邪氣破五癰利小便生平谷

名醫曰生高山

案說文云燕元鳥也籥口布破枝尾象形作巢避戊已乙元鳥也齊魯謂之乙取其名自呼象形或作鳧

爾雅云燕鳧夏小正云二月來降燕乃睇傳云燕乙也九月陟元鳥螫傳云元鳥者燕也

天鼠屎味辛寒主面癰腫皮膚洗洗時痛腸中血氣破寒熱積聚除驚悸一名鼠沘一名石肝生山谷
名醫曰生合浦十月十二月取

案李當之云卽伏翼屎也李云天鼠方言一名僂鼠案今本方言云或謂之老鼠當爲天宇之誤也

右禽中品二種舊同

蝟皮味苦平主五痔陰蝕下血赤白五色血汁不止陰腫痛引腰背酒煮殺之生川谷

名醫曰生楚山田野取無時

案說文云蠶似豪豬者或作蝟廣雅云虎王蝟也爾雅云彙毛刺郭璞云今謂狀似鼠淮南子說山訓云鵠矢中蝟

露蜂房味苦平主驚癇瘈瘲寒熱邪氣癘疾鬼精蠱毒腸痔火熬之良一名蜂腸生山谷

名醫曰一名白穿一名蜂勦生牂柯七月七日采陰乾

案淮南子汜論訓云蜂房不容卵高誘云房巢也

鼈甲味鹹平主心腹癥瘕堅積寒熱去痞息肉陰蝕痔惡肉生池澤

名醫曰生丹陽取無時

案說文云鼈甲蟲也

蟹味鹹寒主胃中邪氣熱結痛啞僻面腫敗漆燒之致
鼠生池澤

名醫曰生伊洛諸水中取無時

案說文云蠃有二敖八足旁行非蛇鱗之穴無所庇
或作鱗蠃蟹也荀子勸學篇云蟹六跪而二螯非虵
蠃之穴無所寄託廣雅云蝓蠃也爾雅云蝓蟬小
者蝓郭璞云或曰卽蝓蝓也似蠃而小
柞蟬味鹹寒主小兒驚癇夜啼瘡病寒熱生楊柳上
名醫曰五月采蒸乾之

案說文云蟬以旁鳴者蜩蟬也廣雅云蜩蝻蟬也復

育蛻也舊作蚱蟬別錄云蚱者鳴蟬也殼一名楷蟬
又名伏蜻案蚱卽柞字周禮考工記云侈則柞鄭元
云柞讀爲咋咋然之咋聲大外也說文云諧大聲也
音同柞今据作柞柞蟬卽五月鳴蜩之蜩夏小正云
五月良蜩鳴傳蜎蜩也五采具爾雅云蜩蜎蜩毛詩
云如蜩傳云蜩蟬也方言云楚謂之蜩宋衛之間謂
之蜩蜩陳鄭之間謂之蜎蜩秦晉之間謂之蟬海岱
之間謂之崎論衡云蟬生於復育開背而出而玉篇
云蚱蟬七月生陶宏景音蚱作笮云瘞蟬是爲月令
之寒蟬爾雅所云蛻也唐本注非之

蟻螯味鹹微溫主惡血血瘀

御覽作血瘕

瘵氣破折血在脅

下堅滿痛月閉目中淫膚青翳白膜一名蟻蟻生平澤
名醫曰一名聖齊一名教齊生河內人家積糞艸中
取無時反行者良

案說文云齋齋蠱也蝤蝤齋也蝎蝤齋也廣雅云蛭
蛭蝤蝤地蠶蠱蟻蟻蝤蝤爾雅云蟻蟻蝤蝤郭璞云在糞
土中又蝤蟻蝎郭璞云在木中今雖通名蝎所在異
又蝎蝤蝤郭璞云木中蠶蟲蝎桑蠶郭璞云卽拮掘
毛詩云領如蝤蟻傳云蝤蟻蝎蟲也方言云蟻蝤謂
之蟻自關而東謂之蝤蟻或謂之蝤蝤或謂之蝤蝤
梁益之間謂之蝤或謂之蝎或謂之蛭蝤秦晉之間
謂之蠶或謂之天蠶列子天瑞篇云烏足根爲蟻蝤

博物志云螻蛄以背行快於用足說文無螻字當借
蟹爲之聲相近字之誤也

烏賊魚骨味鹹微溫主女子漏下赤白經汁血閉陰蝕
腫痛寒熱癥瘕無子生池澤

名醫曰生東海取無時

案說文云鰓烏鰓魚名或作鰓左思賦有烏賊劉逵
注云烏賊魚腹中有墨陶宏景云此是鸚烏所化作
今其口腳具存猶相似爾

白僵蠶味鹹主小兒驚癇夜啼去三蟲滅黑疔令人面
色好男子陰瘍病生平澤

名醫曰生潁川四月取自死者

案說文云蠶任絲也淮南子說林訓云蠶食而不飲
二十二日而化博物志云蠶三化先孕而後交不交
者亦生子子後爲豎皆無眉目易傷收采亦薄玉篇
作蠶蠶正當爲僵舊作殭非

鮐魚甲味辛微溫主心腹癥瘕伏堅積聚寒熱女子崩
中下血五色小腹陰中相引痛創疥死肌生池澤

名醫曰生南海取無時

案說文云鱣魚名皮可爲鼓鼉水蟲似蜥蜴長大陶
宏景云鮐卽鼉甲也

檇雞味苦平主心腹邪氣陰痿益精強志生子好色補
中輕身生川谷

名醫曰生河內樛樹上七月采暴乾

案廣雅云樛鳩樛雞也爾雅云翰天雞李巡云一名酸雞郭璞云小蟲黑身赤頭一名莎雞又曰樛雞毛詩云六月莎雞振羽陸璣云莎雞如蝗而班色毛翅數重其翅正赤或謂之天雞六月中飛而振羽索索作聲幽州謂之蒲錯是也

活螭味鹹寒主賊風喎僻軼筋及脫肛驚癇攣縮一名陵蠡生池澤

名醫曰一名土蝸一名附蝸生大山及陰地沙石垣下八月取

案說文云螭虺螭也羸一名虺螭廣雅云蠡羸蝸牛

蟻蚰也中山經云青要之山是多僕纍郭璞云僕纍
蝸牛也周禮鼈人祭祀供贏鄭云贏蟻蚰爾雅云蚘
贏蟻蚰郭璞云卽蝸牛也名醫又別出蝸牛條非舊
作蛞說文所無据玉篇云蛞蛞東知卽活東異文然
則當爲活

石龍子味鹹寒主五癰邪結氣破石淋下血利小便水
道一名蜥易生川谷

吳普曰石龍子一名守宮一名石蜴一名石龍子

御覽

名醫曰一名山龍子一名守宮一名石蜴生平澤及

荆山石間五月取著石上令乾

案說文云蜥蟲之蜥易也易蜥易蠃蜒守宮也象形

名醫曰生漢中五月取

案說文云蟲齧人飛蟲廣雅云蠹蠹蟲也此省文淮

南子齊俗訓云水蠹為蠹螭高誘云青蛉也又說山

訓云蚩散積血

蜚蚩味苦微寒主逐瘀血破下血積堅痞癥瘕寒熱通

利血脈及九竅生川谷

名醫曰生江夏五月取腹有血者良

蜚廉味鹹寒主血瘀

御覽引云逐下血

癥堅寒熱破積聚喉咽

痺內寒無子生川澤

吳普曰蜚廉蟲神農黃帝云治婦人寒熱

御覽

名醫曰生晉陽及人家屋間立秋采

案說文云蜚盧蜚也蠹臭蟲負螿也螿自螿也廣雅
云飛螿飛螿也爾雅云蜚蠹郭璞云卽負盤臭蟲
唐本注云漢中人食之下氣名曰石薑一名盧蜚一
名負盤舊作螿据邢昺疏引此作廉

蝨蟲味鹹寒主心腹寒熱洗洗血積癥瘕破堅下血閉
生子大良一名地鼈生川澤

吳普曰蝨蟲一名土鼈

御覽

名醫曰一名土鼈生河東及沙中人家牆壁下土中
溼處十月暴乾

案說文云螿蟲屬螿自螿也廣雅云負螿螿也爾雅
云艸蟲負螿郭璞云常羊也毛詩云嘒嘒艸蟲傳云

艸蟲常羊也陸璣云小大長短如蝗也奇音青色好

在茅艸中

伏翼味鹹平主目瞑明目夜視有精光久服令人喜樂

媚好無憂一名蝙蝠生川谷

舊在禽部今移

吳普曰伏翼或生人家屋間立夏後陰乾治目冥令

人夜視有光

藝文類聚

名醫曰生太山及人家屋間立夏後采陰乾

案說文云蝙蝠蝠也蝠蝠蝠服翼也廣雅云伏翼飛

鼠僂鼠虺蠃也爾雅云蝙蝠蝠服翼方言云蝙蝠自關

而東謂之伏翼或謂之飛鼠或謂之老鼠或謂之仙

鼠自關而西秦隴之間謂之蝙蝠北燕謂之蠃蠃李

當之云卽天鼠

右蟲魚中品一十七種舊十六種考禽部伏翼宜入

此

梅實味酸平主下氣除熱煩滿安心肢體痛偏枯不仁

死肌去青黑志惡疾生川谷

吳普曰梅實

大觀本
艸作核

明目益氣

御覽不飢

大觀本艸引
吳氏本艸

名醫曰生漢中五月采火乾

案說文云蓀乾梅之屬或作蓀某酸果也以梅為柟

爾雅云梅柟郭璞云似杏實酢是以某注梅也周禮

籩人饋食籩其實乾蓀鄭云乾蓀乾梅也有桃諸梅

諸是其乾者毛詩疏云梅暴為腊羹臠齏中人含之

以香口

大觀本艸

右果中品一種舊同

大豆黃卷味甘平主溼痺筋攣羸痛生大豆塗癰腫煮

汁飲殺鬼毒止痛赤小豆主下水排癰腫膿血生平澤

吳普曰大豆黃卷神農黃帝雷公無毒采無時去面

黠得前胡烏喙杏子牡厲天雄鼠屎共蜜和佳不欲

海藻龍膽此法大豆初出黃土芽是也生大豆神農

岐伯生熟寒九月采殺烏頭毒並不欲元參赤小豆

神農黃帝鹹雷公甘九月采

御覽

名醫曰生太山九月采之

案說文云未豆也象豆生之形也荅小未也藿未之

少也廣雅云大豆赤也小豆荅也豆角謂之莢其葉謂之藿爾雅云戎叔謂之荏叔孫炎云大豆也

粟米味鹹微寒主養腎氣去胃脾中熱益氣陳者味苦

主胃熱消渴利小便

大觀本艸作黑字据吳普增

吳普曰陳粟神農黃帝苦無毒治脾熱渴粟養腎氣

御覽

案說文云粟嘉穀實也孫炎注爾雅粢稷云粟也今

關中人呼小米為粟米是

黍米味甘溫主益氣補中多熱令人煩

大觀本作黑字据吳普增

吳普曰黍神農甘無毒七月取陰乾益中補氣

御覽

案說文云黍禾屬而黏者以大暑而種故謂之黍孔

子曰黍可爲酒禾入水也廣雅云粢黍稻其采謂之
禾齊民要術引汜勝之書曰黍忌丑又曰黍生於巳
壯於酉長於戌老於亥死於丑惡於丙午忌於丑寅
卯按黍卽糜之種也

右米穀中品三種舊二種大小豆爲二無粟米黍米
今增

蓼實味辛溫主明目溫中耐風寒下水氣面目浮腫癰
瘍馬蓼去腸中蛭蟲輕身生川澤

吳普曰蓼實一名天蓼一名野蓼一名澤蓼

藝文類聚

名醫曰生雷澤

案說文云蓼辛菜蒿虞也蒿蒿虞蓼廣雅云葑龍蒨

本草綱目 卷二
馬蓼也爾雅云蓄虞蓼郭璞云虞蓼澤蓼又葑龍古
其大者歸郭璞云俗呼葑艸爲龍鼓語轉耳毛詩云
隰有游龍傳云龍紅艸也陸璣云一名馬蓼葉大而
赤色生水中高丈餘又以薺茶蓼傳云蓼水艸也
葱實味辛溫主明目補中不足其莖可作湯主傷寒寒
熱出汗中風面目腫齏味辛溫主金創創敗輕身不飢
耐老生平澤

名醫曰生魯山

案說文云齏菜也葉似韭廣雅云韭齏薺其華謂之
菁爾雅云齏鴻薺郭璞云卽齏菜也又勁山齏陶宏
景云葱齏異物而今共條本經旣無韭以其同類故

也

水蘇味辛微溫主下氣辟口臭去毒辟惡久服通神明
輕身耐老生池澤

吳普曰芥菹一名水蘇一名勞祖

御覽

名醫曰一名雞蘇一名勞祖一名芥菹一名芥苴生
九真七月采

案說文云蘇桂荏也廣雅云芥菹水蘇也爾雅云蘇
桂荏郭璞云蘇荏類故名桂荏方言云蘇亦荏也關
之東西或謂之蘇或謂之荏周鄭之間謂之公蕢沅
湘之南謂之萐其小者謂之釀菜按釀菜卽香薷也
亦名香菜名醫別出香薷條非今紫蘇薄荷等皆蘇

本艸經卷三

吳普等述

孫星衍同輯
馮翼

下經

下藥一百二十五種為左使主治病以應地多毒不可久服欲除寒熱邪氣破積聚愈疾者本下經

石灰

礬石

鉛丹

粉錫鏡鼻

代赭石

戎鹽

白堊

冬灰

青琅玕

右玉石下品八種舊一十二種

附子

烏頭

天雄

半夏

虎掌

鳶尾

大黃

亭歷

桔梗

葇蕩子

艸蒿

旋覆花

藜蘆 鈎吻 射干 蛇合

恆山 蜀漆 甘遂 白斂

青葙子 藿菌 白及 大戟

澤漆 茵芋 貫眾 蕘華

牙子 羊躑躅 商陸 羊蹄

篇蓄 狼毒 白頭翁 鬼臼

羊桃 女青 連翹 閭茹

烏韭 鹿藿 蚤休 石長生

陸英 藎艸 牛蒡 夏枯艸

芫華 右艸下品四十九種舊四十八種

巴豆 蜀茱 阜茨 柳華

棟實

郁李仁

莽艸

雷丸

桐葉

梓白皮

石南

黃環

浚疏

鼠李

藥實根

欒華

蔓苺

右木下品一十七種舊一十八種

豚卵

麋脂

鼯鼠

六畜毛蹄甲

右獸下品

四種舊同

蝦蟇

馬刀

蛇蛻

邱蚓

蠟螈

吳蚣

水蛭

班苗

貝子

石蠶

雀囊

蜚螂

螻蛄

馬陸

地膽

鼠婦

熒火

衣魚

右蟲魚下品十八種舊同

桃核仁 杏核仁 右木下品 二種舊同

腐婢 右米穀下品 一種舊同

苦瓠 水蘄 右菜下品 二種舊同

彼子 右一種 未詳

序例白字

佚文

附吳普本艸諸藥制使

石灰味辛溫主疽瘍疥搔熱氣惡創癩疾死肌墮眉殺痔蟲去黑子息肉一名惡灰生山谷

名醫曰一名希灰生中山

案惡灰疑當為堊灰希石聲之緩急

礬石味辛大熱主寒熱鼠瘻蝕創死肌風痺腹中堅一

名青分石一名立制石一名固羊石御覽引云除熱殺百獸大觀本作黑

字 出山谷

吳普曰白礬石一名鼠鄉神農岐伯辛有毒桐君有

毒黃帝甘有毒李氏云或生魏興或生少室十二月

采御覽引云一名太白一名澤乳一名食鹽又云李氏大寒主溫熱

名醫曰一名白礬石一名太白石一名澤乳一名食

鹽生漢中及少室采無時

案說文云礬毒石也出漢中西山經云皋塗之山有

白石焉其名曰礬可以毒鼠范子計然云礬石出漢

中色白者善淮南子地形訓云白天九百歲生白礬

高誘云白礬礬石也又說林訓云人食礬石而死蠶食之而肥高誘云礬石出陰山一日能殺鼠案西山

經云毒鼠即治鼠瘦也

鉛丹味辛微寒主上

御覽引作吐下云久服成仙

逆胃反驚癇瘕疾

除熱下氣鍊化還成九光久服通神明生平澤

名醫曰一名鉛華生蜀郡

案說文云鉛青金也陶宏景云即今熬鉛所作黃丹

也

粉錫味辛寒主伏尸毒螫殺三蟲一名解錫錫鏡鼻主

女子血閉癥瘕伏腸絕孕生山谷

舊作二種今并

名醫曰生桂陽

案說文云錫銀鉛之間也

代赭味苦寒主鬼注賊風蠱毒殺精物惡鬼腹中毒邪
氣女子赤沃漏下一名須丸生山谷

名醫曰一名血師生齊國赤紅青色如雞冠有澤染
爪甲不渝者良采無時

案說文云赭赤土也北山經云少陽之山其中多美
赭管子地數篇云山上有赭者其下有鐵范子計然
云石赭出齊郡赤色者善蜀赭出蜀郡据元和郡縣
志云少陽山在交城縣其地近代也

戎鹽主明目目痛益氣堅肌骨去毒蠱大鹽令人吐

御覽

引云主腸胃結熱
大觀本作黑字
鹵鹽味苦寒主大熱消渴狂煩除邪

及下蠱毒柔肌膚

御覽引云一名寒石明目益氣

生池澤

舊作三種今并

名醫曰戎鹽一名胡鹽生胡鹽山及西羌北地酒泉

福祿城東南角北海青海南海赤十月采大鹽生邯鄲

又河東鹵鹽生河東鹽池

案說文云鹽鹹也古者宿沙初作煮海鹽鹵西方鹹

地也从西省象鹽形安定有鹵縣東方謂之斥西方

謂之鹵鹽河東鹽池袤五十一里廣七里周百十六

里北山經云景山南望鹽販之澤郭璞云卽解縣鹽

池也今在河東猗氏縣案在山西安邑運城

白堊味苦溫主女子寒熱癥瘕月閉積聚生山谷

吳普曰白堊一名白蟪

一切經音義

名醫曰一名白善生邯鄲采無時

案說文云堊白涂也中山經云蔥鬲之山是多白堊
冬灰味辛微溫主黑子去疔息肉疽蝕疥搔一名藜灰
生川澤

名醫曰生方谷

青琅玕味辛平主身痒火創癰傷疥搔死肌一名石珠
生平澤

名醫曰一名青珠生蜀郡采無時

案說文云琅玕似珠者古文作瑯禹貢云雍州貢璆
琳琅玕鄭云琅玕珠也

右玉石下品九種舊十二種粉錫鏡鼻爲二戎鹽

本草綱目 卷三
大鹽鹵鹽為三非攷當各為一

附子味辛溫主風寒欬逆邪氣溫中金創破癥堅積聚

血疲寒溼踈

御覽作痿

蹇拘攣郛痛不能行步

御覽引云為百藥之長大

觀本作黑字

生山谷

吳普曰附子一名葺神農辛岐伯雷公甘有毒李氏

苦有毒大溫或生廣漢八月采皮黑肥白

御覽

名醫曰生犍為及廣漢冬月采為附子春采為烏頭

御覽

案范子計然云附子出蜀武都中白色者善

烏頭味辛溫主中風惡風洗洗出汗除寒溼痺欬逆上氣破積聚寒熱其汁煎之名射罔殺禽獸一名奚毒一

名卽子一名烏喙生山谷

吳普曰烏頭一名葺一名干狄一名毒公一名卑負

御覽作
果負

一名耿子神農雷公桐君黃帝甘有毒正月

始生葉厚莖方中空葉四四相當與蒿相似

又云烏喙神農雷公桐君黃帝有毒李氏小寒十月

采形如烏頭有兩岐相合如烏之喙名曰烏喙也所

畏惡使盡與烏頭同 又煎子一名葺神農岐伯有

大毒李氏大寒八月采陰乾是附子角之大者畏惡

與附子同

御覽大觀
本節文

名醫曰生朗陵正月二月采陰乾長三寸已上爲天

雄

案說文云莢烏喙也爾雅云芟莖艸郭璞云卽烏頭

也江東呼爲莖范子計然云烏頭出三輔中白者善

國語云驪姬置莖于肉韋昭云莖烏頭也淮南子主

術訓云莫凶于雞毒高誘云雞毒烏頭也案雞毒卽

奚毒卽子卽莢子側子也名醫別出側子條非

天雄味辛溫主大風寒溼痺歷節痛拘攣緩急破積聚

邪氣金創強筋骨輕身健行一名白幕御覽引云長陰氣強志令人武

勇力作不倦大觀本作黑字生山谷

名醫曰生少室二月采根陰乾

案廣雅云蕪奚毒附子也一歲爲莢子二歲爲烏喙

三歲爲附子四歲爲烏頭五歲爲天雄淮南子繆稱

訓云天雄烏喙藥之凶毒也良醫以活人

半夏味辛平主傷寒寒熱心下堅下氣喉咽腫痛頭眩
胃張欬逆腸鳴止汗一名地文一名水玉

已上入字
原本黑字

生

川谷

吳普曰半夏一名和姑生微邱或生野中葉三三相

偶二月始生白華員上

御覽

名醫曰一名示姑生槐里五月八月采根暴乾

案月令云五月半夏生范子計然云半夏出三輔色

白者善列仙傳云赤松子服水玉以教神農疑即半

夏別名

虎掌味苦溫主心痛寒熱結氣積聚伏梁傷筋痿拘緩

利水道生山谷

吳普曰虎掌神農雷公苦無毒岐伯桐君辛有毒立

秋九月采之

御覽引云或生太山或宛胸

名醫曰生漢中及宛旬二月八月采陰乾

案廣雅云虎掌瓜屬也

鳶尾味苦平主蠱毒邪氣鬼注諸毒破癥瘕積聚去水

下三蟲生山谷

吳普曰鳶尾治蠱毒

御覽

名醫曰一名烏園生九疑山五月采

案廣雅云鳶尾烏蓮射干也

疑當作鳶尾烏園也唐烏嬰射干也是二物

本注云與射干全別

大黃味苦寒主下瘀血血閉寒熱破癥瘕積聚畱飲宿食蕩滌腸胃推陳致新通利水穀御覽此下調中化食安和五臧生山谷

吳普曰大黃一名黃良一名火參一名膚如神農雷公苦有毒扁鵲苦無毒李氏小寒爲中將軍或生蜀郡北部或隴西二月始生花黃赤葉四四相當黃莖高三尺許三月花黃五月實黑三月采根根有黃汁

切陰乾御覽

名醫曰一名黃良生河西及隴西二月八月采根火

乾

案廣雅云黃良大黃也

亭歷

舊作葶歷御覽作亭歷

味辛寒主癥瘕積聚結氣飲食寒熱

破堅一名大室一名大適生平澤及田野

名醫曰一名下歷一名葶蒿生藁城立夏後采實陰

乾得酒良

案說文云葶亭歷也廣雅云狗薺大室亭歷也爾雅

云葶亭歷郭璞云實葉皆似芥淮南子繆稱訓云亭

歷愈張西京雜記云亭歷死於盛夏中興軍垣土醫

桔梗味辛微溫主胸脇痛如刀刺腹滿腸鳴幽幽驚恐

悸氣

御覽引云一名利如大觀本作黑字

生山谷

吳普曰桔梗一名符扈一名白藥一名利如一名梗

艸一名盧如神農醫和苦無毒扁鵲黃帝鹹岐伯雷

公甘無毒李氏大寒葉如薺芄莖如筆管紫赤二月

生御覽

名醫曰一名利如一名房圖一名白藥一名梗艸一名薺芄生嵩高及宛旬二八月采根暴乾

案說文云桔桔梗藥名廣雅云犁如桔梗也戰國策云今求柴胡桔梗于沮澤則累世不得一焉及之畢黍梁父之陰則郅車而載耳爾雅云芄葳芄郭璞云薺芄据名醫云是此別名下又出薺芄條非然陶宏景亦別爲二矣

葳蕩子味苦寒主齒痛出蟲肉療拘急使人健行見鬼多食令人狂走久服輕身走及奔馬強志益力通神一

本草經 卷三
名橫唐生川谷

名醫曰一名行唐生海濱及雍州五月采子

案廣雅云葱萍閬蕩也陶宏景云今方家多作狼唐
舊作茗

案說文無茗唐字史記淳于意傳云菑川王美人懷
子而不乳飲以菑蕩藥一撮本艸圖經引作浪蕩是
艸蒿味苦寒主疥搔癩痒惡創殺蝨畱熱在骨節間明
目一名青蒿一名方潰生川澤

名醫曰生華陰

案說文云蒿菽也菽香蒿也或作莖爾雅云蒿菽郭
璞云今人呼青蒿香中炙啖者爲菽史記司馬相如

傳菴蘭注漢書音義曰菴蘭蒿也陶宏景云卽今青

蒿

旋復花味鹹溫主結氣脇下滿驚悸除水去五藏間寒

熱補中下氣一名金沸艸一名盛樾生川谷

名醫曰一名戴樾生平澤五月采花日乾二十日成

案說文云葎盜庚也爾雅云葎盜庚郭璞云旋復似

菊

藜蘆

御覽作
梨蘆

味辛寒主蠱毒欬逆洩利腸澼頭瘍疥搔

惡創殺諸蠱毒去死肌一名葱苒生山谷

吳普曰藜蘆一名葱葵一名豐蘆一名蕙葵

御覽引
云一名

山葱一
名公苒

神農雷公辛有毒

御覽引云
黃帝有毒

岐伯鹹有毒李

氏大寒大毒扁鵲苦有毒寒大葉根小相連御覽引云二月

采根

名醫曰一名葱菜一名山葱生太山三月采根陰乾

案廣雅云藜蘆葱蒨也范子計然云藜蘆出河東黃

白者善爾雅云蒼山葱疑非此

鉤吻御覽作吻味辛溫主金創乳瘡中惡風欬逆上氣水腫

殺鬼注舊作疰御覽作注是蠱毒一名野葛生山谷

吳普曰秦鉤吻一名毒根一名野葛神農辛雷公有

毒殺人生南越山或益州葉如葛赤莖大如箭方根

黃或生會稽東治正月采御覽

名醫曰生傅高山及會稽東野

案廣雅云葇鉤吻也淮南子說林訓云蝮蛇螫人傅以和堇則愈高誘云和堇野葛毒藥博物志云鉤吻毒桂心葱葉沸解之陶宏景云或云鉤吻是毛葇沈括補筆談云閩中人呼爲吻芥亦謂之野葛嶺南人謂之胡蔓俗謂之斷腸艸此艸人間至毒之物不入藥用恐本艸所出別是一物非此鉤吻也

射干味苦平主欬逆上氣喉痺咽痛不得消息散急氣腹中邪逆食飲大熱一名烏扇一名烏蒲生川谷

吳普曰射干一名黃遠也

御覽

名醫曰一名烏嬰一名烏吹一名艸董生南陽田野

三月三日采根陰乾

案廣雅云鳶尾烏薤射干也荀子勸學篇云西方有

木焉名曰射干莖長四寸范子計然云射干根如口

□□安定

蛇合

原注云合是合字

味苦微寒主驚癇寒熱邪氣除熱金創

疽痔鼠瘻惡創頭瘍一名蛇銜生山谷

名醫曰生益州八月采陰乾

案本艸圖經云或云是雀瓢卽是蘿摩之別名据陸

璣云芄蘭一名蘿摩幽州謂之雀瓢則卽爾雅藿芄

蘭也唐本艸別出蘿摩條非又見女青

恆山

舊作常山御覽作恆山是

味苦寒主傷寒寒熱發溫瘧鬼毒

胸中痰結吐逆一名互艸生川谷

林鶴云與地盤入煎

吳普曰恆山一名漆葉神農岐伯苦李氏大寒桐君
辛有毒二月八月采

名醫曰生益州及漢中八月采根陰乾

案後漢書華佗傳云佗授以漆葉青黏散漆葉屑一
斗青黏十四兩以是爲率言久服去三蟲利五藏輕
體使人頭不白

蜀漆味辛平主瘡及欬逆寒熱腹中癥堅痞結積聚邪

氣蠱毒鬼注

舊作注御覽作蛙

生川谷

吳普曰蜀漆葉一名恆山神農岐伯雷公辛有毒黃

帝辛一經酸如漆葉藍菁相似五月采

御覽

名醫曰生江陵山及蜀漢中常山苗也五月采葉陰

本草綱目卷三
乾

案廣雅云恆山蜀漆也范子計然云蜀漆出蜀郡

甘遂味苦寒主大腹疝瘕腹滿面目浮腫畱飲宿食破癥堅積聚利水穀道一名主田生川谷

吳普曰甘遂一名主田一名白澤一名重澤一名鬼

醜一名陵藁一名甘藁一名甘澤神農桐君苦有毒

岐伯雷公有毒須二月八月采

御覽

名醫曰一名甘藁一名陵藁一名陵澤一名重澤生

中山二月采根陰乾

案廣雅云陵澤甘遂也范子計然云甘遂出三輔

白斂味苦平主癰腫疽創散結氣止痛除熱目中赤小

兒驚癘溫瘧女子陰中腫痛一名免核一名白艸生山谷

名醫曰一名白根一名崑崙生衡山二月八月采根暴乾

案說文云蒼白蒼也或作薺毛詩云薺蔓于野陸璣疏云薺似栝樓葉盛而細其子正黑如燕薺不可食也幽人謂之烏服其莖葉煮以哺牛除熱爾雅云薺菟荂郭璞云未詳据玉篇云薺白薺也經云一名菟核核與荂聲相近卽此矣

青葙子味苦微寒主邪氣皮膚中熱風搔身痒殺三蟲子名艸決明療唇口青一名艸蒿一名萋蒿生平谷

名醫曰生道傍三月三日采莖葉陰乾五月六日采

子

案魏略云初平山有青牛先生常服青箱子葑當作

箱字

藿菌味鹹平主心痛溫中去長蟲白癩螻蟲蛇螫毒癥

瘕諸蟲一名藿蘆生池澤

名醫曰生東海及渤海章武八月采陰乾

案爾雅云漚灌茵芝文選注引作菌聲類云漚灌茵

芝也疑卽此灌茵或一名漚一名芝未敢定之

白及

御覽作芟

味苦平主癰腫惡創敗疽傷陰死肌胃中邪

氣賊風鬼擊痲緩不收一名甘艸一名連及艸生川谷

吳普曰神農苦黃帝辛李氏大寒雷公辛無毒莖葉似生薑藜蘆十月花直上紫赤根白連二月八月九月采

名醫曰生北山及宛旬及越山黃精一名白及亦為黃精別

名今名醫別出黃精條

大戟味苦寒主蠱毒十二水腫滿急痛積聚中風皮膚

疼痛吐逆一名印鉅

案此無生川澤三字者古或與澤漆為一條

名醫曰生常山十二月采根陰乾

大案爾雅云蕎印鉅郭璞云今藥艸大戟也淮南子繆稱訓云大戟去水

澤漆味苦微寒主皮膚熱大腹水氣四肢面目浮腫丈

夫陰氣不足生川澤澤漆云今藥帳大澤也蘇南子

名醫曰一名漆莖大戟苗也生太山三月三日七月

七日采莖葉陰乾

案廣雅云漆莖澤漆也

茵芋味苦溫主五藏邪氣心腹寒熱羸瘦如瘡狀發作

有時諸關節風濕痺痛生川谷

吳普曰茵芋一名卑共微溫有毒狀如莽艸而細軟

御覽

名醫曰一名莞艸一名卑共生太山三月三日采葉

陰乾曰輒與苦黃帝在太山三月三日采葉

貫眾味苦微寒主腹中邪熱氣諸毒殺三蟲一名貫節

一名貫渠一名百頭

御覽作白

一名虎卷一名扁符生山谷

吳普曰貫眾一名貫來一名貫中一名渠母一名貫

鍾一名伯芹一名藥藻一名扁符一名黃鍾神農岐

伯苦有毒桐君扁鵲苦一經甘有毒黃帝鹹酸一經

苦無毒葉黃兩兩相對莖黑毛聚生冬夏不老四月

花八月實黑聚相連卷旁行生三月八月采根五月

采葉

御覽

名醫曰一名伯萍一名藥藻此謂艸鴟頭生元山及

冤句少室山二月八月采根陰乾

案說文云芾艸也廣雅云貫節貫眾也爾雅云灤貫

眾郭璞云葉圓銳莖毛黑布地冬夏不死一名貫渠
又上云篇符止郭璞云未詳据經云一名扁符卽此
也爾雅當云篇符止灤貫眾

蕘花味苦平寒主傷寒溫瘧下十二水破積聚大堅癥
瘕蕩滌腸胃中畱癖飲食寒熱邪氣利水道生川谷

名醫曰生咸陽及河南中牟六月采花陰乾

牙子味苦寒主邪氣熱氣疥搔惡瘍創痔去白蟲一名
狼牙生川谷

吳普曰狼牙一名支蘭一名狼齒一名犬牙一名抱

子神農黃帝苦有毒桐君或鹹岐伯雷公扁鵲苦無
毒生宛句葉青根黃赤六月七月花八月實黑正月

八月采根

御覽

名醫曰一名狼齒一名狼子一名犬牙生淮南及窠
句八月采根暴乾

案范子計然云狼牙出三輔色白者善

羊躑躅味辛溫主賊風在皮膚中淫淫痛溫瘧惡毒諸

痺生川谷

吳普曰羊躑躅花神農雷公辛有毒生淮南治賊風

惡毒諸邪氣

御覽

名醫曰一名玉支生太行山及淮南山三月采花陰

乾

案廣雅云羊躑躅英光也古今注云羊躑躅花黃羊

食之則死羊見之則躑躅分散故名羊躑躅陶宏景
云花苗似鹿葱

商陸味辛平主水腫痂痕痺熨除癰腫殺鬼精物一名
萹根一名夜呼生川谷

名醫曰如人形者有神生成陽

案說文萹艸枝枝相值葉葉相當廣雅云常蓼馬尾
萹陸也爾雅云遂蕩馬尾郭璞云今關西亦呼爲蕩
江東爲當陸周易夬云莧陸夬夬鄭元云莧陸商陸
也蓋蕩卽萹俗字商卽萹假音

羊蹄味苦寒主頭禿疥搔除熱女子陰蝕

御覽此四字作黑字一

名東方宿一名連蟲陸一名鬼目生川澤

名醫一名蓄生陳畱

案說文云莖艸也讀若釐藿釐艸也芟莖艸也廣雅

云莖羊蹄也毛詩云言采其遂箋云遂牛羶也陸德

明云本又作蓄陸璣云今人謂之羊蹄陶宏景云今

人呼秃菜卽是蓄音之譌詩云言采其蓄案陸英疑

卽此艸之花此艸一名連蟲陸又陸英卽蒴藿一名

莖也亦苦寒

篇蓄味辛平主浸淫疥搔疽痔殺三蟲

御覽引云一名篇竹大觀本黑

字

生山谷

吳普曰篇蓄一名蓄辯一名篇蔓

御覽

名醫曰生東萊五月采陰乾

案說文云篇莠莠也莠莠莠也薄水篇莠讀若督爾
雅云竹篇蓄郭璞云似小藜赤莖節好生道旁可食
又殺蟲毛詩云綠竹猗猗傳云竹篇竹也韓詩薄云
薄篇莠也石經同

狼毒味辛平主欬逆上氣破積聚飲食寒熱水氣惡創
鼠瘦疽蝕鬼精蠱毒殺飛鳥走獸一名續毒生山谷

名醫曰生秦亭及奉高二月八月采根陰乾

案廣雅云狼毒也疑上脫續毒二字中山經云大隗
之山有艸焉其狀如蒼而毛青花而白實其名曰狼
服之不夭可以爲腹病

白頭翁味苦溫主溫瘧狂易寒熱癥瘕積聚癭氣逐血

止痛療金瘡一名野丈人一名胡王使者生山谷

吳普曰白頭翁一名野丈人一名奈河艸神農扁鵲

苦無毒生嵩山川谷破氣狂寒熱止痛

御覽

名醫曰一名奈河艸生高山及田野四月采

案陶宏景云近根處有白茸狀似人白頭故以為名

鬼臼味辛溫主殺蠱毒鬼注精物辟惡氣不祥逐邪解

百毒一名爵犀一名馬目毒公一名九臼生山谷

吳普曰一名九臼一名天臼一名雀犀一名馬目公

一名解毒生九真山谷及冤句二月八月采根

御覽

名醫曰一名天臼一名解毒生九真及冤句二月八

月采根

羊桃味苦寒主燂熱身暴赤色風水積聚惡瘍除小兒
熱一名鬼桃一名羊腸生川谷

名醫曰一名萇楚一名御弋一名銚弋生山林及田

野二月采陰乾

案說文云萇萇楚銚弋一名羊桃廣雅云鬼桃銚弋
羊桃也中山經云豐山多羊桃狀如桃而方莖可以
爲皮張爾雅云長楚姚芑郭璞云今羊桃也或曰鬼
桃葉似桃花白子如小麥亦似桃毛詩云隰有萇楚
傳云萇楚銚弋也陸璣云今羊桃是也葉長而狹花
紫赤色其枝莖弱過一尺引蔓於艸上今人以爲汲
灌重而善沒不如楊柳也近下根刀切其皮著熱灰

中脫之可韜筆管

女青味辛平主蠱毒逐邪惡氣殺鬼溫瘡辟不祥一名

雀瓢御覽作翹

吳普曰女青一名霍由祇神農黃帝辛御覽

名醫曰蛇銜根也生朱崖八月采陰乾

案廣雅云女青烏葛也爾雅云藿芄蘭郭璞云藿芄

蔓生斷之有白汁可啖毛詩云芄蘭之支傳云芄蘭

艸也陸璣云一名蘿摩幽州人謂之雀瓢別錄云雀

瓢白汁注蟲蛇毒即女青苗汁也唐本艸別出蘿摩

條非

連翹味苦平主寒熱鼠瘻癰癰腫惡創癭瘡結熱蠱

毒一名異翹一名蘭華一名軹一名三廉生山谷

名醫曰一名折根生太山八月采陰乾

案爾雅云連異翹郭璞云一名連苕又名連草

蘭茹

御覽作閭是

味辛寒主蝕惡肉敗創死肌殺疥蟲排膿

惡血除大風熱氣善忘不樂生川谷

吳普曰閭茹一名離樓一名屈居神農辛岐伯酸鹹

有毒李氏大寒二月采葉員黃高四五尺葉四四相

當四月華黃五月實黑根黃有汁亦同黃三月五月

采根黑頭者良

御覽

名醫曰一名屈据一名離婁生代郡五月采陰乾

案廣雅云屈居蘆茹也范子計然云閭茹出武都黃

色者善

烏韭味甘寒主皮膚往來寒熱利小腸旁光氣生山谷石上

案廣雅云昔邪烏韭也在屋曰昔邪在牆曰垣衣西山經云葍荔狀如烏韭唐本注云卽石衣也亦名石苔又名石髮案廣雅又云石髮石衣也未知是一否

鹿藿味苦平主蠱毒女子腰腹痛不樂腸癰瘰癧

御覽作厯

瘍氣生山谷

名醫曰生汶山

案說文云蘆鹿藿也讀若剽廣雅云蘆鹿藿也爾雅云藿鹿藿其實蒞郭璞云今鹿豆也葉似大豆根黃

本草綱目 卷三
而香蔓延生

蚤休味苦微寒主驚癇搖頭弄舌熱氣在腹中瘕疾癰
創陰蝕下三蟲去蛇毒一名蚩休生川谷

名醫曰生山陽及寃句

案鄭樵云蚤休曰螫休曰重樓金線曰重臺曰艸甘

遂今人謂之紫河車服食家所用而莖葉亦可愛多

植庭院間

石長生味鹹微寒主寒熱惡創火熱辟鬼氣不祥

御覽作辟

惡氣不祥鬼毒

一名丹艸

御覽引云丹沙艸

生山谷

吳普曰石長生神農苦雷公辛一經甘生咸陽

御覽

名醫曰生咸陽

陸英味苦寒主骨間諸痺四肢拘攣疼酸剝寒痛陰痿短氣不足腳腫生川谷

又名醫曰生熊耳及冤句立秋采又曰蒟藿味酸溫有

毒一名莖今本誤一名芟生田野春夏采葉秋冬采

莖根

本草云蒟藿各各蒟藿爾兼似謂王

案說文云莖艸也讀若釐芟莖艸也讀若急藿釐艸

也廣雅云籝盆陸英莓也爾雅云芟莖艸唐本注陸

英云此物蒟藿是也後人不識浪出蒟藿條今注云

陸英味苦寒無毒蒟藿味酸溫有毒既此不同難謂

一種蓋其類爾

本草云蒟藿各各蒟藿爾兼似謂王

蓋艸味苦平主久欬上氣喘逆久寒驚悸痲疥白禿瘍

本州經 卷三
氣殺皮膚小蟲生川谷

吳普曰王芻一名黃艸神農雷公口生太山山谷治

身熱邪氣小兒身熱氣

御覽

名醫曰可以染黃作金色生青州九月十月采

案說文云蓋艸也菜王芻也爾雅云菜王芻郭璞云

菜蓐也今呼鴟腳莎毛詩云綠竹猗猗傳云菜王芻

也唐本注云蓋艸俗名菜蓐艸爾雅所謂王芻

牛扁味苦微寒主身皮創熱氣可作浴湯殺牛蝨小蟲

又療牛病生川谷

名醫曰生桂陽

案陶宏景云太常貯名扁特或名扁毒

夏枯艸味苦辛寒熱瘰癧鼠瘦頭創破癥散癭結氣腳
腫溼痺輕身一名夕句一名乃東生川谷

名醫曰一名燕面生蜀郡四月采木槿芙蓉宜入

芫華味辛溫主欬逆上氣喉鳴喘咽腫短氣蠱毒鬼瘡

疝痕癰腫殺蟲魚一名去水生川谷舊在木部非

吳普曰芫華一名去水一名敗華一名兒艸根一名

黃大戟神農黃帝有毒扁鵲岐伯苦李氏大寒二月

生葉青加厚則黑花有紫赤白者三月花落盡葉乃

生三月三日采花芫花根一名赤芫根神農雷公苦

有毒生邯鄲九月八月采陰乾久服令人洩可用毒

魚御覽亦見
圖經節文

卷三

三

名醫曰一名毒魚一名杜芫其根名蜀桑可用毒魚
生淮南三月三日采花陰乾

案說文云芫魚毒也爾雅云杭魚毒郭璞云杭大木
子似栗生南方皮厚汁赤中藏卵果范子計然云芫
華出三輔史記倉公傳臨菑女子病螻瘻飲以芫花
一撮出螻可數升病已顏師古注急就篇云郭景純
說誤耳其生南方用藏卵果自別一芫木乃左思所
云綿杭枕櫬者耳非毒魚之杭

右艸下品四十九種舊四十八種攷木部芫華宜入
此

巴豆味辛溫主傷寒溫瘧寒熱破癥瘕結聚堅積留飲

淡癖大腹水張蕩練五藏六府開通閉塞利水穀道去

惡肉除鬼毒蠱注邪物御覽作鬼毒邪注殺蟲魚一名巴叔舊作

椒御覽生川谷口穢味辛平寒出懷州

吳普曰巴豆一名巴菽神農岐伯桐君辛有毒黃帝

甘有毒李氏熱主寒溫葉如大豆八月采御覽

名醫曰生巴郡八月采陰乾用之去心皮八月采

案廣雅云巴未巴豆也列僊傳云元俗餌巴豆淮南

子說林訓云魚食巴菽而死人食之而肥味大酸

蜀菜味辛溫主邪氣欬逆溫中逐骨節皮膚死肌寒溼

痺痛下氣久服之頭不白輕身增年生川谷味大酸

名醫曰一名巴椒一名蓆藪生武都及巴郡八月采

實陰乾

案范子計然云蜀椒出武都赤色者善陸璣云蜀人

作茶又見秦椒卽爾雅菜陶宏景云俗呼爲膠

阜茨味辛鹹溫主風痺死肌邪氣風頭淚出利九竅殺

精物生川谷

名醫曰生雍州及魯鄒縣如豬牙者良九月十月采

陰乾

案說文云茨艸實范子計然云阜茨出三輔上價二

枚一錢廣志曰雞栖子阜茨也

御覽

阜卽艸省文

柳花味苦寒主風水黃疸面熱黑一名柳絮葉主馬疥

痴創實主潰癰逐膿血子汁療渴生川澤

名醫曰生琅邪

案說文云柳小楊也檉河柳也楊木也爾雅檉河柳
郭璞云今河旁赤莖小楊又旄澤柳郭璞云生澤中
者又楊蒲柳郭璞云可以爲箭左傳所謂董澤之蒲
毛詩云無折我樹杞傳云杞木名也陸機云杞柳屬
也

棟實味苦寒主溫疾傷寒大熱煩狂殺三蟲疥瘍利小
便水道生山谷

名醫曰生荆山

案說文云棟木也中山經云其實如棟郭璞云棟木
名子如指頭白而黏可以浣衣也淮南子時則訓云

七月其樹棟高誘云棟實鳳皇所食今雒城旁有棟

樹實秋熟

郁李仁味酸平主大腹水腫面目四肢浮腫利小便水

道根主齒斷腫齩齒堅齒一名爵李生川谷

吳普曰郁李一名雀李一名車下李一名棣御覽

名醫曰一名車下李一名棣生高山及邱陵上五月

六月采根

案說文云棣白棣也廣雅云山李雀其蠶也爾雅云

常棣棣郭璞云今關西有棣樹子如櫻桃可食毛詩

云六月食鬱傳云鬱棣屬劉禛毛詩義問云其樹高

五六尺其實大如李正赤食之甜又詩云常棣之華

傳云常棣棣也陸璣云奧李一名雀李一曰車下李
所在山中皆有其花或白或赤六月中子熟大如李
子可食沈括補筆談云晉宮閣銘曰華林園中有車
下李三百一十四株奠李一株

莽艸味辛溫主風頭癰腫乳癰疔痕除結氣疥搔

御覽
有疽

創二
字

殺蟲魚生山谷

吳普曰莽艸一名春艸神農辛雷公桐君苦有毒生

上谷山谷中或冤句五月采治風

御覽

名醫曰一名蒺一名春艸生上谷及冤句五月采葉

陰乾

案中山經云朝歌之山有艸焉名曰莽艸可以毒魚

又茲山有木焉其狀如棠而赤葉可以毒魚爾雅云
菹春艸郭璞云一名芒艸本艸云周禮云翦氏掌除
蠹物以莽艸薰之范子計然云莽艸出三輔者善陶
宏景云字亦作蒨

雷丸 御覽作雷公丸 味苦寒主殺三蟲逐毒氣胃中熱利丈夫

不利女子作摩膏除小兒百病 御覽引云一名雷矢大觀本作黑字 生山

谷

吳普曰雷丸神農苦黃帝岐伯桐君甘有毒扁鵲甘

無毒李氏大寒 御覽引云一名雷實或生漢中八月采

名醫曰一名雷矢一名雷實生石城及漢中土中八

月采根暴乾

案范子計然云雷矢出漢中色白者善

桐葉味苦寒主惡蝕創著陰皮主五痔殺三蟲華主傅
豬創飼豬肥大三倍生山谷

名醫曰生桐柏山

案說文云桐榮也梧梧桐木一名櫬爾雅云櫬梧桐
郭璞云今梧桐又榮桐木郭璞云卽梧桐毛詩云梧桐
生矣傳云梧桐柔木也

梓白皮味苦寒主熱去三蟲葉搗傅豬創飼豬肥大三
倍生山谷

名醫曰生河內

案說文云梓楸也或作梓椅梓也楸梓也櫬楸也爾

雅云槐小葉曰榎郭璞云槐當爲楸楸細葉者爲榎
又大而散楸郭璞云老乃皮粗散者爲楸又椅梓郭
璞云卽楸毛詩云椅桐梓漆傳云椅梓屬陸璣云梓
者楸之疏理白色而生子者曰梓梓實桐皮曰椅
石南味辛苦主養腎氣內傷陰衰利筋骨皮毛實殺蠱
毒破積聚逐風痺一名鬼目生山谷

名醫曰生華陰二月四月采實陰乾

黃環味苦平主蠱毒鬼注鬼魅邪氣在臧中除欬逆寒
熱一名凌泉一名大就生山谷

吳普曰蜀黃環一名生芻一名根韭神農黃帝岐伯
桐君扁鵲辛一經味苦有毒二月生初出正赤高二

尺葉黃圓端大莖葉有汁黃白五月實員三月采根

根黃從理如車輻解治蠱毒

御覽

名醫曰生蜀郡三月采根陰乾

案蜀都賦有黃環劉逵云黃環出蜀郡沈括補筆談云黃環卽今朱藤也天下皆有葉如槐其花穗懸紫色如葛花可作菜食火不熟亦有小毒京師人家園圃中作大架種之謂之紫藤花者是也

浚疏味辛寒主身皮膚中熱除邪氣止遺溺可作浴湯生山谷及田野故邱虛地

名醫曰一名巨骨生熊耳山四月采

案李當之云浚疏一名楊櫨一名牡荆一名空疏皮

白中空時時有節子似枸杞冬日熟色赤味甘苦

鼠李主寒熱瘰癧創生田野

吳普曰鼠李一名牛李御覽

名醫曰一名牛李一名鼠梓一名棹采無時

案說文云棟鼠梓木爾雅云棟鼠梓郭璞云楸屬也

今江東有虎梓毛詩云北山有棟傳云棟鼠梓据名

醫名鼠梓未知是此否唐本注云一名趙李一名阜

李一名烏槎

藥實根味辛溫主邪氣諸痹疼酸續絕傷補骨髓一名

連木生山谷

名醫曰生蜀郡采無時

案廣雅云貝父藥實也

藥華味苦寒主目痛淚出傷皆消目腫生川谷

名醫曰生漢中五月采

案說文云藥木似欄山海經云雲雨之山有木名藥
黃木赤枝青葉羣帝焉取藥白虎通云諸侯墓樹柏
大夫藥士槐沈括補筆談云藥有一種樹生其實可
作數珠者謂之木藥本艸藥花是也

蔓椒味苦主風寒溼痺歷節疼除四肢厥氣鄰痛一名
名豕椒生川谷及邱冢間

名醫曰一名豬椒一名彘椒一名狗椒生雲中采莖
根煮釀酒

案陶宏景云俗呼爲樛以椒薑小不香爾一名豨椒

可以蒸病出汗也

右木下品一十七種舊十八種今移芫花入艸

豚卵味苦溫主驚癇瘖疾鬼注蠱毒除寒熱賁豚五癰
邪氣攣縮一名豚顛懸蹄主五痔伏熱在腸腸癰內蝕
案說文云豨小豚也从豕省象形从又持肉以給祭
祀篆文作豚方言云豬其子或謂之豚或謂之豨吳
揚之間謂之豬子

麋脂味辛溫主癰腫惡創死肌風寒溼痺四肢拘緩不
收風頭腫氣通湊理一名官脂生山谷

名醫曰生南山及淮海邊十月取

案說文云麋鹿屬冬至解其角漢書云劉向以爲麋之爲言迷也蓋牝獸之淫者也

騶鼠主墮胎令人產易生平谷

名醫曰生山谷

案說文云鸞鼠形飛走且乳之鳥也籀文作𪗇廣雅云鸞鳴飛鷗也陶宏景云是歸鼠一名飛生見爾雅

云歸鼠夷由也舊作騶非

六畜毛蹄甲味鹹平主鬼注蠱毒寒熱驚癘瘕狂走

駱駝毛尤良

案陶宏景云六畜謂馬牛羊豬狗雞也蹄卽蹄省文
右獸下品四種舊同

蝦蟇味辛寒主邪氣破癥堅血癰腫陰創服之不患熱
病生池澤

名醫曰一名蟾蜍一名醜一名去甫一名苦蠶生江
湖五月五日取陰乾東行者良

案說文云蝦蟇蟇也蟆蝦蟆也鼃蝦蟆也鼃先鼃詹
諸也其鳴詹諸其皮鼃鼃其行先先或作醜醜醜醜
詹諸也夏小正傳云域也者長股也或曰屈造之屬
也詩曰得此醜醜言其行醜醜也鼃詹諸以脰鳴者
廣雅云蚊苦蠶胡鼃蝦蟆也爾雅云鼃醜蟾諸郭璞
云似蝦蟆居陸地淮南謂之去蚊又蠶蟆郭璞云蛙
類周禮云蠃氏鄭司農云蠃讀爲蚘蚘蝦蟆也元謂

蝮今御所食蛙也月令云仲夏之月反舌無聲蔡邕
云今謂之蝦蟇薛君韓詩注云戚施蟾蜍高誘注淮
南子云蟾蟾螿也又蝮蝦蟇也又蟾蜍蝦蟇又鼓造
一曰蝦蟇抱樸子內篇云或問魏武帝曾收左元放
而桎梏之而得自然解脫以何法乎抱樸子曰以自
解去父血

馬刀味辛微寒

御覽有補中二字大觀本黑字

主漏下赤白寒熱破石

淋殺禽獸賊鼠生池澤

吳普曰馬刀一名齊奩神農岐伯桐君鹹有毒扁鵲

小寒大毒生池澤江海采無時也

御覽

名醫曰一名馬蛤生江湖及東海采無時

案范子計然云馬刀出河東蓺文類聚引本經云文

蛤表有文又曰馬刀一曰名蛤則豈古本與文蛤為

一邪

蛇蛻味鹹平主小兒百二十種驚癇瘕癰瘕瘡疾寒熱腸

痔蟲毒蛇癩火熬之良一名龍子衣一名蛇符一名龍

子單衣一名弓皮生川谷及田野

吳普曰蛇蛻一名龍子單衣一名弓皮一名蛇附一

名蛇筋一名龍皮一名龍單衣御覽

名醫曰一名龍子皮生荊州五月五日十五日取之

良

案說文云它蟲也从虫而長象窾曲𦘔尾形或作蛇

蛻蛇蟬所解皮也廣雅云蝮蛸蛻也中山經云來山
多空奪郭璞云卽蛇皮脫也

邱蚓味鹹寒主蛇痕去三蟲伏尸鬼注蠱毒殺長蟲仍
自化作水生平土

吳普曰蚯蚓一名白頸螳蟻一名附引御覽

名醫曰一名土龍二月取陰乾

案說文云蟻側行者或作蚓螳蟻也廣雅云蚯蚓蛻

蟻引長也爾雅云螳蚓豎蠶郭璞云卽蜃蟻也江東

呼寒蚓舊作蚯蚓非呂氏春秋淮南子邱蚓出不从虫

又說山訓云蟻無筋骨之強高誘注蟻一名蜷端也

舊又有白頸二字据吳普古本當無也

蠮螋味辛平主久聾欬逆毒氣出刺出汗生山谷

名醫曰一名土蜂生熊耳及牂柯或人屋間

案說文云蠮螋羸蒲盧細腰土蜂也或作螺羸螺羸

也廣雅云土蜂蠮螋也爾雅土蜂毛詩云螟蛉有子

螺羸負之傳云螺羸蒲盧也禮記云夫政也者蒲盧

也鄭云蒲盧螺羸謂土蜂也方言云蠶其小者謂之

蠮螋或謂之蚘蛻說文無蠮字或當為醫

吳蚣味辛溫主鬼注蠱毒噉諸蛇蟲魚毒殺鬼物老精

溫瘧去三蟲御覽引云一名至掌大觀本在水蛭下生川谷

名醫曰生大吳江南赤頭足者良

案廣雅云螂蛆吳公也

水蛭味鹹平主逐惡血瘀血月閉

御覽作水閉

破血瘕積聚

無子利水道生池澤

名醫曰一名蚊一名至掌生雷澤五月六月采暴乾

案說文云蛭蟻也蝮蛭蝮至掌也爾雅云蛭蟻郭璞云今江東呼水中蛭蟲入人肉者爲蟻又蛭蝮至掌郭璞云未詳据名醫卽蛭也

班苗味辛寒主寒熱鬼注蠱毒鼠癩惡創疽蝕死肌破石癰一名龍尾生川谷

吳普曰班猫一名班蚝一名龍蚝一名班苗一名勝髮一名盤蚤一名晏青神農辛岐伯鹹桐君有毒扁鵲甘有大毒生河內川谷或生水石

名醫曰生河東八月取陰乾

生水

案說文云蟹蟹毒蟲也廣雅云蟹蟹晏青也名醫別出芫青條非芫晏音相近也舊作猫俗字据吳氏云一名班苗是也

貝子味鹹平主目翳鬼注蠱毒腹痛下血五癰利水道燒用之良生池澤

名醫曰一名貝齒生東海

案說文云貝海介蟲也居陸名焱在水名蝻象形爾雅云貝小者鱗郭璞云今細貝亦有紫色出日南又無贖小而橢郭璞云卽上小貝

石蠶味鹹寒主五癰破石淋墮胎內解結氣利水道除

熱一名沙蝨生池澤

吳普曰石蠶一名沙蝨神農雷公酸無毒生漢中治

五淋破腹內結氣利水道除熱御覽

名醫曰生江漢

案廣雅云沙蝨蝮蛇也淮南萬畢術云沙蝨一名蓬

活一名地脾御覽蟲豸部引李當之云類蟲形如老

蠶生附石廣志云沙蝨背色赤大過蟻在水中入人

袂皮中殺人與李氏不同

雀甕味甘平主小兒驚癇寒熱結氣蠱毒鬼注一名躁

舍

名醫曰生漢中采蒸之生樹枝間蛄蠲房也八月取

案說文云蛄蛄斯黑也爾雅云蠹蛄蛄郭璞云載屬
合也今青州人呼載為蛄蛄案本經名為雀甕者甕與
蛄音相近以其如雀子又如繭蟲之蛹因呼之
蛄蛄味鹹寒主小兒驚癇瘕瘵腹張寒熱大人瘖疾狂
易一名蛄蛄火熬之良生池澤

名醫曰生長沙五月五日取蒸藏之

案說文云螂渠螂一曰天杜廣雅云天杜蛄蛄也爾
雅云蛄蛄蛄蛄郭璞云黑甲蟲噉糞土玉篇蛄蛄同
說文無蛄字渠螂卽蛄蛄音之緩急

蛄蛄味鹹寒主產難出肉中刺御覽作刺潰癰腫下哽

噎御覽作解毒除惡創一名噎蛄御覽作一名天蛄一名

穀夜出者良生平澤

名醫曰生東城夏至取暴乾

案說文云蠹螻蛄也螻蛄蛄也蛄螻蛄也廣雅云炙鼠津姑螻蛄蟻蛤蛄螻蛄蛄也夏小正云三月穀則鳴穀天螻也爾雅云穀天螻郭璞云螻蛄也淮南子時則訓云孟夏之月螻蟪鳴高誘云螻蛄蛄也方言云蛄詣謂之杜格螻蟻謂之螻蛄或謂之蟻蛤南楚謂之杜狗或謂之蛄螻陸璣詩疏云本艸又謂螻蛄爲石鼠今無文

馬陸味辛溫主腹中大堅癥破積聚息肉惡創白禿一

名百足生川谷

吳普曰一名馬軸御覽

名醫曰一名馬軸生元菟

案說文云蠲馬蠲也从虫皿益聲勺象形明堂月令

曰腐艸為蠲廣雅云蛆蝶馬蝻馬蚊也又馬踐蠶蛆

也爾雅云氓馬踐郭璞云馬蠲勺俗呼馬蝻淮南子

時則訓云季夏之月腐艸化為蚘高誘云蚘馬蚊也

幽冀謂之秦渠又汜論訓云蚘足眾而走不若蛇又

兵略訓云若蚘之足高誘云蚘馬蠶也方言云馬蚊

北燕謂之蛆渠其大者謂之馬蚘博物志云馬蚊一

名百足中斷成兩段各行而去

地膽味辛寒主鬼注寒熱鼠瘻惡創死肌破癥瘕墮胎

一名蜣青生川谷

吳普曰地膽一名元青一名杜龍一名青虹

衛覽

名醫曰一名青葙生汝山八月取

案廣雅云地膽虵要青蠹青蠹也陶宏景云狀如大馬蟻有翼偽者卽班猫所化狀如大豆

鼠婦味酸溫主氣癰不得小便婦人月閉血癥癩瘥寒熱利水道一名負蟠一名蚘威生平谷

名醫曰一名蝮蟪生魏郡及人家地上五月五日取
案說文云蚘蚘威委黍委黍鼠婦也蟠鼠婦也爾雅云蟠鼠負郭璞云食器底蟲又蚘威委黍郭璞云舊說鼠婦別名毛詩云伊威在室傳云伊威委黍也陸

璣云在壁根下甕底中生似白魚

熒火味辛微溫主明目小兒火創傷熱氣蠱毒鬼注通

神一名夜光

御覽引云一名熠燿一名即熠燿大觀本作黑字

生池澤

吳普曰熒火一名夜熠一名熠燿一名救火一名景

天一名據火一名挾火

藝文類聚

名醫曰一名放光一名熠燿一名即熠燿生階地七月

七日收陰乾

案說文云燐兵死及牛馬之血為燐鬼火也从炎舛

爾雅云熒火即熠燿郭璞云夜飛腹下有火毛詩云熠

燿宵行傳云熠燿燐也燐螢火也月令云季夏之月

腐艸化為螢鄭元云螢飛蟲螢火也据毛萇以螢為

葬是也說文無螢字當以葬爲之爾雅作熒亦是舊

作螢非又按月令腐艸爲螢當是蠲字假音

衣魚味鹹溫無毒主婦人疝瘕小便不利御覽作泄利小兒

中風御覽作頭風項強御覽作彊背起摩之一名白魚生平澤

吳普曰衣中白魚一名蟬御覽

名醫曰一名蟬生成陽

案說文云蟬白魚也廣雅云白魚蛎魚也爾雅云蟬

白魚郭璞云衣書中蟲一名蛎魚

右蟲魚下品一十八種舊同

桃核仁味苦平主瘀血血閉瘕邪殺小蟲桃花殺注惡

鬼令人好顏色桃鳧微溫主殺百鬼精物初學記引云梟桃在樹不

百鬼落殺桃毛主下血瘕寒熱積寒無子桃蠹殺鬼邪惡不
祥生川谷

名醫曰桃核七月采取仁陰乾花三月三日采陰乾

桃鳧一名桃奴一名梟景是實著樹不落實中者正

月采之桃蠹食桃樹蟲也生太山爾雅云

案說文云桃果也玉篇云桃毛果也爾雅云桃李醜

核郭璞云子中有核仁孫炎云桃李之實類皆有核

杏核仁味甘溫主欬逆上氣雷鳴喉痹下氣產乳金創

寒心賁豚生川谷主

名醫曰生晉山命

案說文云杏果也管子地員篇云五沃之土其木宜

杏高誘注淮南子云杏有竅在中

右果下品二種舊同蘇生水中

腐婢味辛平主痲瘡寒熱邪氣洩利陰不起病酒頭痛

生漢中

吳普曰小豆花一名腐婢

舊作付月誤

神農甘毒七月采

陰乾四十日治頭痛止渴

御覽

水名醫曰生漢中即小豆花也七月采陰乾

右米穀下品一種舊同

苦瓠味苦寒主大水面目四肢浮腫下水令人吐生川

澤

名醫曰生晉地

案說文云瓠匏匏瓠也廣雅云匏瓠也爾雅云瓠棲
辨毛詩云匏有苦葉傳云匏謂之瓠又八月斷壺傳
云壺瓠也古今注云瓠壺蘆也壺蘆瓠之無柄者瓠
有柄者又云瓢瓠也其摠曰匏瓠則別名

水蘄味甘平主女子赤沃止血養精係血脈益氣令人
健嗜食一名水英生池澤

名醫曰生南海

案說文云芹楚葵也莛菜類也周禮有莛菹爾雅云
芹楚葵郭璞云今水中芹菜字林云萐艸生水中根
可緣器又云苳菜似蒜生水中

右菜下品二種舊同

彼子味甘溫主腹中邪氣去三蟲蛇螫蠱毒鬼注伏尸

生山谷 舊在唐本退中

名醫曰生永昌

案陶宏景云方家從來無用此者古今諸醫及藥家
了不復識又一名熊子不知其形何類也掌禹錫云
樹似杉子如檳榔本經蟲部云彼子蘇注云彼字合
從木爾雅云彼一名栲

三品合三百六十五種法三百六十五度二度應一日

以成一歲 倍其數合七百三十名也

掌禹錫曰本艸例神農本經以朱書名醫別錄以墨

書神農藥三百六十五種今此言倍其數合七百三

十名是併名醫別錄副品而言也則此下節別錄之
文也當作墨書矣蓋傳寫浸久朱墨錯亂之所致耳
案禹錫說是也改爲細字

藥有君臣佐使以相宣攝合和宜用一君二臣三佐五
使又可一君三臣九佐使也

藥有陰陽配合子母兄弟根莖華實艸石骨肉有單行
者有相須者有相使者有相畏者有相惡者有相反者
有相殺者凡此七情合和視之當用相須相使者良勿
用相惡相反者若有毒宜制可用相畏相殺者不爾勿
合用也

藥有酸鹹甘苦辛五味又有寒熱溫涼四氣及有毒無

毒陰乾暴乾采造時月生熟土地所出眞僞陳新並各有法

藥性有宜丸者宜散者宜水煮者宜酒漬者宜膏煎者亦有一物兼宜者亦有不可入湯酒者並隨藥性不得違越

欲療病先察其原先候病機五藏未虛六府未竭血脈未亂精神未散服藥必活若病已成可得半愈病勢已過命將難全

若用毒藥療病先起如黍粟病去卽止不去倍之不去十之取去爲度

療寒以熱藥療熱以寒藥飲食不消以吐下藥鬼注蠱

毒以毒藥癰腫創痛以創藥風溼以風溼藥各隨其所
宜

病在胸膈以上者先食後服藥病在心腹以下者先服
藥而後食病在四肢脈者宜空腹而在旦病在骨髓
者宜飽滿而在夜

夫大病之主有中風傷寒寒熱溫瘧中惡霍亂大腹水
腫腸澀下利大小便不通賁腫上氣欬逆嘔吐黃疸消
渴畱飲癖食堅積癥瘕驚邪瘧癘鬼注喉痺齒痛耳聾
目盲金創踈折癰腫惡創痔瘻瘦痛男子五勞七傷虛
乏羸瘦女子帶下崩中血閉陰蝕蟲蛇蠱毒所傷此大
略宗兆其間變動枝葉各宜依端緒以取之

右序列白字

本艸經佚文

上藥令人身安命延昇天神仙遨遊上下役使萬靈體

生毛羽行厨立至

抱朴子內篇引神農經据太平御覽校

中藥養性下藥除病能令毒蟲不加猛獸不犯惡氣不

行眾妖併辟

抱朴子內篇引神農經

太一子曰凡藥上者養命中者養性下者養病

藝文類聚引本

艸經

太一子曰凡藥上者養命中藥養性下藥養病神農乃

作耨鞭鉤鋤

尺制切

從六陰陽與太乙外

巡字

五岳四瀆土

地所生艸石骨肉心灰皮毛羽萬千類皆鞭問之得其

所能治主當其五味一日二字舊誤作百七十毒太平御覽引本艸經

神農稽首再拜問於太乙子曰曾聞之時壽過百歲而

徂落之咎獨何氣使然也太乙子曰天有九門中道最

良神農乃從其嘗藥以拯救人命太平御覽引神農本艸

按此諸條與今本經卷上文略相似諸書所引較本

經文多又云是太乙子說今無者疑後節之其二云赭

鞭鉤鋤當是煮辨候製之假音鞭問之即辨問之無

怪說也

藥物有大毒不可入口鼻耳目者即殺人一日鉤吻盧氏

曰陰地黃精不相連二曰鴟狀如雌雞三曰陰命赤色

根苗獨生者是也四曰內童狀如鵝亦五曰鳩羽如雀墨六曰螭

縣其子生海中狀如鵝亦生海中頭赤喙

蟠生海中雄曰蟠雌曰螭也博物志引神農經

藥種有五物一曰狼毒占斯解之二曰巴頭藿汁解之

三曰黎盧湯解之四曰天雄烏頭大豆解之五曰班茅

戎鹽解之毒茶害小兒乳汁解先食飲二升博物志引神農經

五芝及餌丹砂玉札曾青雄黃雌黃雲母太乙禹餘糧

各可單服皆令人飛行長生抱樸子內篇引神農四經

春夏為陽秋冬為陰文選注引神農本艸

春為陽陽溫生萬物同上

黃精與木餌之卻粒或遇凶年可以絕粒謂之米脯太平

御覽引抱樸子神農經

五味養精神強魂魄五石養髓肌肉肥澤諸藥其味酸

者補肝養心除腎病其味苦者補心養脾除肝病其味
甘者補肺養脾除心病其味辛者補肺養腎除脾病其
味鹹者補肺除肝病故五味應五行四體應四時夫人
性生于四時然後命于五行以一補身不死命神以母
養子長生延年以子守母除病究年

太平御覽引養生要略神農經

案此諸條當是玉石艸木三品前總論而後人節去

附吳氏本艸十二條

龍眼一名益智一名比目

齊民要術

鼠尾一名勤一名山陵翹治痢也

太平御覽

滿陰實生平谷或圃中延蔓如瓜葉實如桃七月采止

渴延年

太平御覽

千歲垣中膚皮得薑赤石脂治

太平御覽

小華一名結艸

太平御覽

木瓜生夷陵

太平御覽

穀樹皮治喉閉一名楮

太平御覽

櫻桃味甘主調中益氣令人好顏色美志氣一名朱桃

一名麥英也

藝文類聚

李核治什僵花令人好顏色

太平御覽

大麥一名穰麥五穀之盛無毒治消渴除熱益氣食蜜

為使麥種一名小麥無毒治利而不中口

太平御覽

豉益人氣

太平御覽

暉日一名鳩羽

太平御覽

附諸藥制使

唐慎微曰神農本經相使正各一種兼以藥對參

之乃有兩三

玉石上部

玉泉畏欵冬花

玉屑惡鹿角

丹砂惡磁石畏鹹水

曾青畏菟絲子

石膽水英為使畏牡桂菌桂芫花辛夷白微

鍾乳蛇牀子為使惡牡丹牡蒙元參朮羊血畏紫

石英藁艸

雲母澤瀉爲使畏鮫甲及流水

消石火爲使惡苦參苦菜畏女苑

朴消畏麥句薑

芒消石葦爲使惡麥句薑

礬石甘艸爲使畏母礪

滑石石葦爲使惡曾青

紫石英長石爲使畏扁青附子不欲鮫甲黃連麥句薑

白石英惡馬目毒公

赤石脂惡大黃畏芫花

黃石脂曾青爲使惡細辛畏蜚蠊

太一餘糧杜仲爲使畏鐵落昌蒲貝母

玉石中部中氣於異燈菖蒲良異

水銀畏磁石磁石畏鐵

殷孽惡防已畏朮畏其

孔公孽木蘭為使惡細辛

陽起石桑螵蛸為使惡澤瀉茵桂雷丸蛇脫皮畏菟絲

子子石

石膏雞子為使惡莽艸毒公

凝水石畏地榆解巴豆毒

磁石柴胡為使畏黃石脂惡牡丹莽艸

元石惡松脂柏子仁茵桂畏艾葉

玉石下部畏異

礬石得火良棘鍼爲使惡虎掌毒公鷺屎細辛水

青琅玕得水銀良畏雞骨殺錫毒

特生礬石得火良畏水

代赭畏天雄

方解石惡巴豆

大鹽漏蘆爲使

艸藥上部

六芝薯蕷爲使得髮良惡常山畏扁青茵陳

木防風地榆爲使

天門冬垣衣地黃爲使畏曾青

麥門冬地黃車前爲使惡款冬苦瓠畏苦參青蘘

本草綱目 卷三
女萎蕤畏鹵

乾地黃得麥門冬清酒良惡貝母畏無夷

昌蒲秦芃秦皮爲使惡地膽麻黃

澤瀉畏海蛤文蛤

遠志得茯苓冬葵子龍骨良殺天雄附子毒畏珍珠蜚

廉藜蘆

齊蛤薯預紫芝爲使惡甘遂

石斛陸英爲使惡凝水石巴豆畏白殭蠶雷丸

菊花木枸杞根桑根白皮爲使

甘艸木乾漆苦參爲使惡遠志反甘遂大戟芫花海藻

人參茯苓爲使惡浚疏反藜蘆海公續采聯辛水

牛糝惡熒火龜陸英畏白前

細辛曾青東根爲使惡狼毒山茱萸黃耆畏滑石消石

反藜蘆

獨活蠡石爲使

柴胡半夏爲使惡阜莢畏女苑藜蘆

菴藺子荆子薏苡仁爲使

菥蓂子得荆子細辛良惡乾薑苦參

龍膽貫眾爲使惡防葵地黃

菟絲子得酒良薯預松脂爲使惡藿菌

巴戟天覆盆子爲使惡朝生雷丸丹參

蒺藜子烏頭爲使

沙參惡防己反藜蘆

防風惡乾薑藜蘆白斂芫花殺附子毒

絡石杜仲牡丹爲使惡鐵落畏菖蒲貝母

黃連黃芩龍骨理石爲使惡菊花芫花元參白鮮皮畏

款冬勝烏頭解巴豆毒

丹參畏鹹水反藜蘆

天名精垣衣爲使

決明子著實爲使惡大麻子

續斷地黃爲使惡雷丸

芎藭白芷爲使

黃耆惡龜甲

杜若得辛夷細辛良惡柴胡前胡

蛇牀子惡牡丹巴豆貝母

茜根畏鼠姑

飛廉得烏頭良惡麻黃

薇銜得秦皮良

五味子菴蓉爲使惡委蕤勝烏頭

艸藥中部

當歸惡藺茹畏昌蒲海藻牡蒙

秦甘昌蒲爲使

黃芩山茱萸龍骨爲使惡蔥實畏丹砂牡丹藜蘆

芍藥須丸爲使惡石斛芒消畏消石鼈甲小薊反藜蘆

乾薑秦椒為使惡黃連黃芩天鼠屎殺半夏葭蓉毒

藁本畏藜茹

麻黃厚朴為使惡辛夷石韋

葛根殺野葛巴豆百藥毒

前胡半夏為使惡阜莢畏藜蘆

貝母厚朴白薇為使惡桃花畏秦芎礬石莽艸反烏頭

括樓枸杞為使惡乾薑畏牛膝乾漆反烏頭

元參惡黃耆乾薑大棗山茱萸反藜蘆

苦參元參為使惡貝母漏蘆菟絲子反藜蘆

石龍芮大戟為使畏蛇蛻吳茱萸

葶藶薤白為使畏葵根大黃柴胡牡礪前胡

石韋滑石杏仁爲使得菖蒲良

狗脊葶藶爲使惡敗醬

瞿麥藁艸牡丹爲使惡蜈蚣

白芷當歸爲使惡旋覆花

紫菀款冬爲使惡天雄瞿麥雷丸遠志畏茵陳

白鮮皮惡蜈蚣桔梗茯苓葶藶

白薇惡黃耆大黃大戟乾薑乾漆大棗山茱萸

紫參畏辛夷

淫羊藿薯蕷爲使

款冬花杏仁爲使得紫菀良惡阜莢消石元參畏貝母

辛夷麻黃黃芩黃連黃耆青葙

牡丹畏菟絲子

防己殷孽為使惡細辛畏葶藶殺雄黃毒

女苑畏鹵鹹

澤蘭防己為使

地榆得髮良惡麥門冬

海藻反甘艸

艸藥下部

大黃黃芩為使

桔梗節皮為使畏白及反龍膽龍眼

甘遂瓜蒂為使惡遠志反甘艸

葶藶榆皮為使得酒良惡殭蠶石龍芮

芫花決明爲使反甘艸

澤漆小豆爲使惡薯蕷

大戟反甘艸貝類干

鉤吻半夏爲使惡黃岑

藜蘆黃連爲使反細辛芍藥五參惡大黃

烏頭烏喙莽艸爲使反半夏括樓貝母白斂白及惡藜

蘆

天雄遠志爲使惡腐婢

附子地膽爲使惡蜈蚣畏防風甘艸黃耆人參烏韭大

豆

貫眾藿菌爲使

本草綱目 卷三
半夏射干爲使惡阜莢畏雄黃生薑乾薑秦皮龜甲反
烏頭

蜀漆括樓爲使惡貫眾

虎掌蜀漆爲使畏莽艸

狼牙蕪荑爲使惡棗肌地榆

常山畏玉札

白及紫石英爲使惡理石李核仁杏仁

白斂代赭爲使反烏頭

藿菌得酒良畏雞子

藺茹甘艸爲使惡麥門冬

蓋艸畏鼠婦

夏枯艸土瓜爲使

狼毒大豆爲使惡麥句薑

鬼臼畏垣衣

木藥上部

茯苓茯神馬蘭爲使惡白斂畏牡蒙地榆雄黃秦芎龜

甲

杜仲惡蛇蛻元參

柏實牡礪桂心瓜子爲使畏菊花羊蹄諸石麩麩

乾漆半夏爲使畏雞子

蔓荊子惡烏頭石膏

五加皮遠志爲使畏蛇皮元參

槩木惡乾漆

辛夷芎藭爲使惡五石脂畏昌蒲蒲黃黃連石膏黃環

酸棗仁惡防己

槐子景天爲使

牡荊實防己爲使惡石膏

木藥中部

厚朴乾薑爲使惡澤瀉寒水石消石

山茱萸蓼實爲使惡桔梗防風防己

吳茱萸蓼實爲使惡丹參消石白堊畏紫石英

秦皮大戟爲使惡茱萸

占斯解狼毒毒

梔子解躑躅毒

秦椒惡括樓防葵畏雌黃

桑根白皮續斷桂心麻子爲使

木藥下部

黃環鳶尾爲使惡茯苓防己

石南五加皮爲使

巴豆芫花爲使惡襄艸畏大黃黃連藜蘆殺班猫毒

藥華決明爲使

蜀椒杏仁爲使畏款冬

波疏漏蘆爲使

卓莢柏實爲使惡麥門冬畏空青人參苦參

本草綱目 卷三
雷丸荔實厚朴爲使惡葛根

獸上部

龍骨得人參牛黃良畏石膏

龍角畏乾漆蜀椒理石

牛黃人參爲使惡龍骨地黃龍膽蜚蠊畏牛膝

白膠得火良畏大黃

阿膠得火良畏大黃

獸中部

犀角松脂爲使惡藿菌雷丸

殺羊角菟絲子爲使

鹿茸麻勃爲使

鹿角杜仲爲使黃芩附子黃連黃柏

獸下部毒劇毒

麋脂畏大黃

伏翼菟實雲實爲使干

天鼠屎惡白斂白微

蟲魚上部重具寒黃本伏藥以類

蜜蠟惡芫花齊蛤黃黃

蜂子畏黃芩芍藥牡蠣門公

牡蠣貝母爲使得甘艸牛膝遠志蛇牀良惡麻黃吳茱

萸辛夷

桑螵蛸畏旋覆花

海蛤蜀漆爲使畏狗膽甘遂芫花

龜甲惡沙參蜚蠊

蟲魚中部

蝟皮得酒良畏桔梗麥門冬

蜥蜴惡硫黃斑猫蕪荑

露蜂房惡乾薑丹參黃芩芍藥牡蠣

麈蟲畏阜菝昌蒲

鱗鱒蜚蠊爲使惡附子

鼈甲惡礬石

蟹殺葭蓉毒漆毒

鮫魚甲蜀漆爲使畏狗膽甘遂芫花

烏賊魚骨惡白斂白及

蟲魚下部

蠅蜋畏羊角石膏

蛇蛻畏磁石及酒

班貓馬刀為使畏巴豆丹參空青惡膚青

地膽惡甘艸

馬刀得水良

果上部

大棗殺烏頭毒

果下部

杏仁得火良惡黃耆黃芩葛根解錫胡粉毒畏藁艸

菜上部

冬葵子黃芩為使

蔥實解藜蘆毒

米上部

麻蕒麻子畏牡蠣白微惡茯苓

米中部

大豆及黃卷惡五參龍膽得前胡烏喙杏仁牡蠣良殺

烏頭毒

大麥蜜為使

右二百三十一種有相制使其餘皆無

三十四種續添案當云二

種十五

立冬之日菊卷柏先生時爲陽起石桑螵蛸凡十物使
主二百艸爲之長

立春之日木蘭射干先生爲柴胡半夏使主頭痛四十
五節

立夏之日蜚蠊先生爲人參茯苓使主腹中七節保神
守中

夏至之日豕首菜萸先生爲牡蠣烏喙使主四肢三十
二節

立秋之日白芷防風先生爲細辛蜀漆使主胸背二十

四節

原注右此五條出藥對中義旨淵深非俗所
究雖莫可遵用而是主統之本故亦載之

四節 宋羅興和製用而後主特之本效亦第之一

立林之日白丑初風伏主為縣辛得茲時主願諱皆

二節

具正之日未行兼更次主益其體為寧對主四湖烈二

書中

立夏之日蒸熱故主為人參時不於主與中才願皆於

立節

立春之日木蘭根干伏主為米防半夏時主願諱四十

上二百轉為人之具

皖南建德

立冬之日陸卷的共全劫為國或百桑點融周氏校刊